

Bi Memê Alan sermest dibin



Navenda Çanda Mezopotamya bi Koma Dansê ya Memê Alan xwe ji tûrneya Tirkîyeyê re amade dike. Koma Dansê ya NÇM'ê dê sahneya xwe ya yekemîn li Navenda Çandê ya Selahattîn Akçîçek pêşkêş bike

DESTANA Memê Alan ku di wêjeya kurdî de cihekî taybet û girîng digire ji aliyê Koma Dansê ya NÇM'a Îzmîrê ve bû îstîk. Destana ku derhêneriya wê ji aliyê Hamîde Yuksel û koreografiya wê ji ji aliyê Rojîn Onurlu ve hatiye kirin cara yekemîn li Navenda Çandê ya Selahattîn Akçîçek derdikeve pêşberî temaşevanan. Destana Memê Alan ku bi sedsalan e bi riya dengbêjiyê heta îro hatiye, li NÇM'a Îzmîrê ji aliyê Koma Dansê ku ji 20 kesan pêk tê ve hate amadekirin... RÛPEL - 6

CEJNA ZIMANÊ KURDÎ:

Bernameya Kurd Derê ya cejnê



Serokê Kurd Derê Ahmet Aday, bernameya xwe ya li Enqereyê ya teklîdarî Cejna Zimanê Kurdî diyar kir û bang li hemû kesên di mijara ziman de bihîstiyar in kir ku tevî bernamê bibin. Cejna Zimanê Kurdî ku ji aliyê Kongreya Natewewî ya Kurdistanê ve di 2006'an de hat îlankirin wê bi çalakîyên cur bi cur bê pîrozkirin. Li Enqereyê wê di çarçoveya Cejna Zimanê Kurdî de çalakîyên cur bi cur werin lidarxistin... RÛPEL - 6

HAWAR

Rojnameya Rojane
14 Gulan 2009
Pêncşem
Sal: 1
Hejmar: 9
Buha: 50 Kr


Kurdî qedexe ve... R-3

Çav li Îmraliyê ne



Ev çi nakokiya mezin e?

Wezîrê Karên Hundir Beşîr Atalay, li hemberî daxwazên ji bo navên gundan ên kurdî di sa bînan dayîn, got "Eger ji herêman daxwaz hebin, dibê. Ji bo çi dê nebe." Lê derket holê ku Dadgeha Îdarî birayara Meclîsa Giştî ya Bajar a Amedê ya ji bo li cem navên tirkî yê gundan ên kurdî ji bînan nivîsîn bi hiceta "Navên kevn di nava gel de bi şiklekî ne fermî tînan bikaranîn, eger ev biryar pêk bê dê hewesa ji bo bikaranîna navên berê bi pêş bixê" veto kir. Piştî Qeymeqamiya Kayapınarê navên wekî Roşna, Şilan û Rojda ku Şaredariya Kayapınarê dane sê parkan red kirin, li Dadgeha Îdarî ya Amedê doz vekir... R.3



Piştî nîqaşên li ser çareseriyê û diyalogê niha çav li ser daxuyaniyên Lîderê PKK'ê Abdullah Ocalan in. Parêzerên Ocalan piştî nîqaşan di rojevê de cara yekemîn duh çûn Îmraliyê. Rewşenbîran jî xwest ku ev pêvajoya erênî neyê hingavtin û şensê ji bo çareserî û diyalogê bê bikaranîn

ERTUGRUL OZKOK XWESTIBÛ BIÇE ÎMRALIYÊ

Lîderê PKK'ê Abdullah Ocalan vê hefteyê dê ji bo atmosfera di çarçoveya nîqaşên ji bo çareseriyê pirs-girêka kurd de derketine holê çi bêje, tê mereqkirin. Beriya ku naveroka hevdîtina Ocalan ya bi parêzeran re aşkera bibe, me notên hevdîtîna yê Ocalan ku piştî hîlbijartinê 29'ê adarê pêk hatine vekolan û peyaman dayîn derxistin. Piştî rêzenivîsa nivîskar Hasan Cemal, Gerîndeyê Giştî yê Hurriyetê Ertugrul Ozkok xwestibû biçê Îmraliyê û bi Ocalan re hevpeyvînekê pêk bîne.

'HÛN XWE JI BO AŞTIYÊ AMADE BIKIN'

Piştî hîlbijartinê yekemîn notên hevdîtîna yê Ocalan di 3'ê nîsanê de bi raya giştî re hatin parvekirin. Di vê hevdîtina ku di 1'ê nîsanê de pêk hatibû de peyama amadekariyê pêvajoyeke aştiyane dane. Ocalan gotibû heke dewlet bixwaze pê re diyalogê pêk bîne pêwîst e bi rengekî girêdayî hiqûqê û demokratîk xwe organîze bike. Ocalan ji bo diyalogê jî xwestibû merc bînan afirandin û wiha gotibû: "Ku dewlet dixwaze li ser bîngê Komara Demokratîk pirs-girêkê çareser bike em dikarin guftûgo bikin..." RÛPEL - 4

Kê ji bo diyalog û çareseriyê çi got?

Ji TESEV'ê Lêkolîner Dilek Kurban: Tiştê herî bi wate ew e ku hikûmet bi DTP'ê re tekeve nava diyalogê. Ji bo PKK çekan deyne divê serastkirinê qanûnî yê teşwîk bikin bînan çêkin.

Dadgerê Teqawit Albay Umît Kardas: Çareseriyê pirs-girêka kurd û heta pirs-girêkê din ji dê bi makeqanûneke nû mimkûn be. Pirs-girêka kurd bi 2-3 guhertinê sembolîk çareser nabe.

Parêzer Sezgin Tanrikulu: Daxuyaniyên ji aliyê Murat Karayilan ve hatine dayîn girîng in. Bi nixandina lihevkerîna dê li hevkerîna ji bo çareseriyê pêk bê. Bi vê yekê dê bîngê axaftinê bê avakirin.

Prof. Dr. Mîfhat Sancar: Nişaneke girîng a ji bo niyetê, gavên biçûk û jêst pêwîst in. Divê rayedar nîyeta xwe ya ji bo çareseriyê nişan bidin.

Prof. Dr. Dogu Ergil: Di pirs-girêka kurd de sendroma 'deja vu' ango ev tişt berê jî çêbûbû tê jiyîn. Berê tiştê çêbûyê û ew tişt tim tê dubarekirin. R.4

Jin hê jî li Helepçeyê reş li xwe dikin

Dayikên Helepçê hê jî cilên reş li xwe dikin. 21 sal berê Rejîma Baasê li Helepçeyê 5 hezar kes kuştin û bi hezaran jî birîndar kirin. Yê ku di wê demê de biçûk bûn niha mezin bûne û fem dikin ka çima dayikên wan cilên reş li xwe dikin. Hemîde 32 salî li bazara Altun ya Helepçeyê cil û bergên jinan difiroşe. Hemîde dibêje: "Kêfa min ji cilên reş re tê û her cilên reş li xwe dikim. Respoşin li vi bajarî, bi wê çiroka tehlî û trajediya ku hatiye serê xelkê bajarê ve girêdayî ye..." RÛPEL - 7



Bi gotinên sergirtî çareserî nayê

SERCAN AYDIN

Serokomarê Tirkiyeyê Abdullah Gul li hewayê dibêje; pirsgirêka Tirkiyeyê ya bingehîn Pirsgirêka Kurd e. Tu kes nîn e nizanibe ku pirsgirêka Tirkiyeyê ya bingehîn pirsgirêka Kurd e. Berî niha 50 salî Menderes jî berî ku bê darvekirin, li ser pirsêkê gotibû; pirsgirêka Tirkiyeyê ya bingehîn pirsgirêka Kurd e. Niha li kolanê, welatîyekî jî rêzê jî dibêje pirsgirêka Tirkiyeyê ya herî bingehîn pirsgirêka Kurd e.

Têrênake ku bê gotin pirsgirêka Tirkiyeyê ya bingehîn pirsgirêka Kurd e. Mafên geleki yê neteweyî yê bingehîn jî aliye dewletê ve jê hatine standin. Pirsgirêka Kurd pirsgirêka standina van mafan e. Ji ber wê bersivadayîna pîrsa 'wê ev pirsgirêk çawa çareser bibe' girîng e.

Wê nasnameya vî gelî bi awayekî fermî bê qebûlînin? Wê îradeya wî ya siyasî ya demokratîk bê qebûlînin, bê naskirin? Wê perwerdeya bi zimanê dayîkê bê qebûlînin? Heta ku pirsgirêka Kurd qebûlîna van mafan neyê qebûlînin, wê tu wateya gotina 'pirsgirêka Kurd heye' tunebe.

Serokomarê Tirkiyeyê dibêje; jî bo çareserkirina wê pirsgirêkê fîrset çêbûye. Serokfermandarê Tirkiyeyê jî wê rojê got; fîrseta tunekirina PKK'ê çêbûye. Em jî dibêjin fîrseta çareseriyê derketiye. Bi awayekî din di paşxistina çareseriyê de tu faydeya Tirkiyeyê nîn e. Ji ber wê ka ev gotina fîrsetê tê çî wateyê divê bê aşkerakirin. Tê ditin ku fîrseta cuda cuda tê şirovekirin.

Serokfermandar dibêje; fîrseta tunekirina PKK'ê derketiye. Serokfermandar fîrseta operasyon û komkujiya siyasî ya li ser DTP'ê, weke fîrseta tunekirina Teverga Aza-

Li Tirkiyeyê şertên çareseriyê amade bûne. Heke fermandarên kevin ên hêzên derya û bejahî û gelek generalên din dibêjin divê ev pirsgirêk were çareserkin, tê wê wateyê ku şertên çareseriyê demokratîk amade ne

diya Kurd datîne holê. Ji ber wê yekê divê serokomar û hikûmet wê fîrsetê ne wekî fîrseta tunekirine, bi gotin û helwestên xwe fîrseta çareseriyê bingehîn deynin holê.

Berî niha bi deh rojan serokfermandar got; 'ji bilî hinek mafên şexsî tu mafên ku civakekê biafirînin nayên qebûlînin. Serokfermandarê artêşê yê kevin, dibêje; 'wê PKK dev ji mafê perwerdehiya bi zimanê dayîkê bernede, wê bixwaze ku nasnameya Kurd bikeve destûra bingehîn. Nîrxandinên wisa kirin û got; 'ev nayên qebûlînin.'

Heta ku gelê Kurd weke civakekê cuda neyê qebûlînin, heta ku weke îradeya siyasî ya demokratîk mûxatab neyên ditin û heta perwerdeya bi zimanê Kurdî neyê qebûlînin, dê pirsgirêk çawa çareser bibe? Ev rastî tev pêwîst dibînin ku gotinên serokomarên bînan vekirin. Gotina 'pirsgirêka Tirkiyeyê ya herî bingehîn pirsgirêka Kurd e' gavê e.

Pirsgirêka Kurd ne tenê pirsgirêka Tirkiyeyê ya bingehîn e, çareserkirina wê pirsgirêkê di heman demê de şertê demokrasîyê yê jêner e. Ji ber wê em nabêjin gotinên Abdullah Gul ne girîng in, lê em li bendê ne ku nava wan gotinan bê dagirtin. Lewre gelê Kurd û hêzên demokratîk mafê wan heye ku biguman nêzik bibin û wê bipirsin; gelo, ev mijûlînin e an na.

Piştî 29'ê Adarê AKP lewaz bûye. Ji gelek aliyên ve bi ser de diçin. Ji ber wê ev tê bîra mirov; gelo dibe jî bo ku hikûmet nefesêkê bistîne kur-

dan û hêzên demokratîk mijûl dibe.

Ev aşkera ye ku heta niha di wê mijarê de gelek caran serî li xapandinên wiha daye. Herî zêde Tirkiyeyê jî wê zirarê dîtiye. Ji ber wê eger çareserî pêk were, divê di wê mijarê de her tişt zelal be. Aşkera ye ku ji bo çareseriyê li Tirkiyeyê şert gihîştine. Dibe ku berî niha bi 10 salan, 20 salan bihata gotin; jî bo çareseriyê dem divê. Lê di roja me ya îro de kesê bêje civak ne amade ye dixwaze civakê bixapîne.

Eger fermandarên kevin ên hêzên derya û bejahî û gelek generalên din dibêjin divê ev pirsgirêk were çareserkin, tê wê wateyê ku şertên çareseriyê amade ne. Gelek derdorên civakî jî difikirin ku pêwîst e pirsgirêk bê çareserkin.

Belê, çawa ku em dibînin fîrset e.

Yên ku dibêjin pirsgirêka Kurd heye û divê bê çareserkin, divê bicesaret bin. Çawa ku yê dixwazin pirsgirêk çareser bibe difikirin ku cesaret jî vî karî re divê û divê gavên bingehîn bînin avêtin. Abdullah Gul an jî kesên din, heke dixwazin piştigiriyê jî gelê Kurd û jî hêzên demokratîk bigirin, divê aşkera biaxivin û bicesaret bin. Divê ne jî bo mijûlînin û xapandin biaxivin, divê nîşan bidin ku xwediyê îradeya çareseriyê ne.

Li Tirkiyê kîjan hêz an kesayet îradeya çareseriyê derxe holê wê piştigiriyê mezîn bistîne. Eger bi awayekî aşkera jî gelê Tirkiyê re bêjin pêwîst e ev pirsgirêk bê çareserkin, kesên di wê mijarê de xwe

bidin pêş wê jî gelê Tirkiyê jî piştigiriyê bistînin. Yê nexwazin pirsgirêk çareser bibe wê bandora wan tinebe. Lêbelê heta ku ne bi cesaret bin û eşkere neaxivin, yê çareseriyê naxwazin wê serdest bibin û wê gavan bi paş ve bidin avêtin.

Yên ku nikaribin piştigiriyê civakê û hêzên demokratîk bigirin nikarin wê pirsgirêkê çareser bikin. Yê vekirî neaxivin nikarin wê pirsgirêkê çareser bikin. Di mijara pirsgirêka Kurd de, yê vekirî biaxivin, wê kelimên lê pêşiya xwe yê hundir û derev jî di rojêkê de jî holê rakin.

Yê ku bêje ezê pirsgirêka Kurd çareser bikim, ne yek jî 100 mezinên tîrkan, wê bibe yek jî 5 mezinên tîrkan. Eger îro jî Ozal tê heskirin, jî ber cesareta wî ya di pirsgirêka Kurd de ye. Abdullah Gul an jî yê din yê dixwazin pirsgirêkê çareser bikin bila netirsin. Eger vekirî bin wê piştigiriyê bigirin, eger ne vekirî bin, nikarin tu gavan biavêjin.

Hin dibêjin; eger em di pirsgirêka Kurd de gavên bingehîn biavêjin, wê civaka tirk li hemberî me derkeve, ev ne rast e. Berevajiyê wê, yê bêje ezê pirsgirêka Kurd çareser bikim, li Tirkiyeyê dê bibe liderê siyasî yê herî mezin. Wê Deniz Baykal jî û yê din jî werin ser rê.

Tiştê pêwîst tenê ew e ku wê pirsgirêkê nekin pirsgirêka partiyekê û bi taktîkî nêzik nebin. Bêguman yê taktîkî nêzikî wê pirsgirêkê bibin, yê jî bo berjewendiyên siyasî nêzik bibin û hedefa wan xapandin be, wê di wê pirsgirêkê de piştigiriyê negirin.

Deng Îran li diji diyalog û çareseriyê ye

tayiptemel@walla.com

TAYIP TEMEL

Li her çar parçeyên Kurdistanê û li Rojhilata Navîn niqaşên li ser pirsgirêka Kurd cudatir û dewlemendtir dibin. Her alî jî hêla xwe ve dixwaze mohra xwe li wê pêvajoyê bide. Tirkiye jî çar aliyên ve hewl dide ku li ser pirsgirêka Kurd û rewşa PKK'ê hevdiştin pêk bîne. Ji bo wê yekê mekanîzmayek bi navêkî nû ava kir.

Ew hevdiştin nişan didin ku edî pirsgirêka Kurd tenê Tirkiyeyê eleqedar nake û hemû hêzên li Rojhilata Navîn hesaban dikin jî nêz ve eleqedar dike. Hebûna PKK'ê û têkoşina wê bi taybetî jî herî zêde bandorê li ser siyaseta Amerîkayê dike.

Lê hin têkiliyên balkêş hene di nava hin dewletan de hene. Yek jî van dewletan Îran e. Dema li Tirkiyeyê hewayê aşû û biratiyê hindik be jî pêk tê û niqaşên çareseriyê bi diyalog û demokrasîyê derdikevin pêş, helwesta Îranê diguhere. Îran yekser dixwaze şer û pevçûnê di navbera Tirkiye û PKK'ê de zêde bibin. Minaka herî dawî di roja ku Serokomar Gul peyamnêrêrî dan de Artêşa Îranê Colemêrg da ber topan. Topebarana gund û bajarokên Colemêrgê jî aliye Artêşa Îranê ve ne tesadûf e û ne jî encameke şaşî û xeletiyê ye. Ew dem û wext pir bi zanebîn hatiyê tercîhkirin.


Wekî jî berê de tê gotin ku çareseriyê Pirsgirêka Kurd li Tirkiyeyê di warê êrênî û neyînî de bandorê li ser politîka û siyaseta gelek dewletên cîran jî dike. Heta niha Amerîkayê dixwest li ser esasê Pirsgirêka Kurd jî Tirkiyeyê tavizan bistîne. Heta mirov dikare bibêje ku Amerîkayê destûr nedida ku Pirsgirêka Kurd li Tirkiyeyê bê çareserkin. Wekî tê zanin gelek niqaş li Tirkiyeyê li ser Pirsgirêka Kurd çêbûn.

Aşkera ye ku ne hêzên biyanî û ne jî Îran, naxwaze ku insiyatîfa çareseriyê Pirsgirêka Kurd bikeve destê Kurdan û Tirkiyeyê. Ew dixwazin ku wê pirsgirêkê wekî mijara şantajê û kartekê di destê xwe de bigirin. Di dema borî de gelek caran derket holê ku Tirkiye jî naxwaze ku insiyatîfa çareseriyê Pirsgirêka Kurd bikeve destê Îranê. Her du dewletên navborî jî jî bo neçareseriyê pirsgirêkê di nava pêşbaziyê mezîn de ne. Heke yek bixwaze çareser bike jî, ya din dibêje çareser neke. Dema niqaş li Tirkiyeyê li ser çareseriyê Pirsgirêka Kurd çêdibin, Îran dibêje ez amade me jî bo ku alîkariyê bidim te, jî bo şerê te yê li dijî PKK'ê. Bi wê gotina xwe dest bi êrişan dike û baweriyê dide Tirkiyeyê ku ew bi piştigiriyê Îranê dikare bi ser hêzên PKK'ê de biçê û bi vî awayî encamê bigire.


Dewleta Îranê xwedî kevneşopiyekê kûr a siyasî ye. Ew jî jî berê de dixwaze Kurdan bike mijara bazarê li hemberî Tirkiyeyê û bi vî rengî itifaqên nû jî xwe re çêbike. Her wiha Îran di warê diplomatîk de bi Çîn û Rûsyayê re têkiliyên xurt dimeşîne. Îran dixwaze jî nakokiyên di nava Rûsyayê, Ewropa û Amerîkayê de sêde werbigire û her wiha dixwaze bi Rûsyayê, Çîn û Hindîstanê re blokeke li gorî xwe çêbike.

Armançeke din a esasî ya siyaseta Îranê jî ew e ku dixwaze li ser Kurdan bazarê bi Tirkiye û hêzên din re bike. Kurdan jî xwe re dike amûrê bazarê.


Heke jî berê yekê jî be divê rayedarên Tirkiyeyê û derdorên demokratîk û aşîxwaz baş bizanin ku dema çareseriyê û diyalogê hatiyê û derbas jî bûye. Heke ev yek neyê kirin dibe ku Tirkiye insiyatîf û şansê ketiyê destê wê diha wînda bike.



TEKÎN (Şaban TEMEL)



HARÛN (Melek TEMEL)



DEVRÎM (Ekrem TEMEL)



MIHYEDÎN (Mehmet TEMEL)



ROJHAT (Ayhan TEMEL)

BÎRANÎN

Beriya ku welatê min bibe dojeh misteke bihuştê bû.
Ji kaniyên wê aveke zelal diherikî...
Û zeviyên wê heşîn bûn...
Dema ku li her derê tofan radibû...
Hûn dijminên tariyê û dostên ronahiyê bûn.

Tekin bû pêşengê we û we hemûyan da ser rîya wî ya romî...
Em we gulên azadiyê bi dil û can bi bîr tînin...

Li ser navê malbatê Saîme,
Ahmet, Narîn,
Melezzan, Esat û Mikail



BAGER (Nusret TEMEL)

HAWAR

Aram Basın Reklam ve
Yayincılık Tic. San. Ltd. Şti.
Adına İmtiyaz Sahibi ve
Sorumlu
Yazı İşleri Müdürü
Bedri ADANIR
Adres:
Kooperatif Mahallesi
Gevran Caddesi 1 Geçit,
Sarıoğlu Apt. Kat: 4 No:14
Ofis Yenışehir - Diyarbakır
TEL: 0 (412) 229 00 30
Fax: 0 (412) 229 00 39

Baskı (ÇAP):
Stenbol: Gün Matbaacılık,
Reklam, Film, Basım, Yayın,
Tan. San. Tic. Ltd. Şti.
Beşyol Mah. Akasya Sok.
No: 23/A
Sefaköy - Küçükçekmece
İstanbul
Tel: 0 (212) 580 63 80
Edene: Arslan Güneşyolu
Gazetecilik,
Matbaacılık, Kağıtçılık A.Ş.
İstiklal mah. İstiklal Cad.
No: 44 Seyhan
Edene
Yayın Türü: Süreli

Dengê Wezîr naçe Walî û Dadgerê Amedê

Li Tirkîyeyê di navbera sazî û dezgehên fermî de nakokîyeke mezin heye. Li hêlekê Wezîr Atalay ji bo ku navê kurdî jî ligel navê tirkî bê nivîsandin daxuyanî dide lê dadgeh û waliyên herêmê berovajî vê daxwaza wezîr biryaran didin

W ezîrê Karên Hundir Beşîr Atalay, li hemberî daxwazên ji bo navên gundan ên kurdî dîsa bîn dayîn, got "Eger ji herêman daxwaz hebin, dibe. Ji bo çî de nebe." Lê derket holê ku Dadgeha Îdarî biryara Meclîsa Giştî ya Bajar a Amedê ya ji bo li cem navên gundan ên tirkî navên wan ên rastîn ên kurdî jî bîn nivîsîn bi hîceta "Navên kevî di nava gel de bi şiklekî ne fermî tîn bikaranîn, eger ev biryar pêk bê de hewesa ji bo bikaranîna navên berê bi pêş bixe" veto kir. Serokê Meclîsa Giştî ya Bajar a Amedê Şeyhmus Bayhan, destnîşan kir ku tevî veto-yê de careke din Meclîs heman biryarê bigire.

Dê navên tirkî bîn jîbîrkirin

Meclîsa Giştî ya Bajar ji nû ve kom bû. Di civînê de hate diyarkirin ku biryara hatiye girtin "ne guherîna nav e", tenê de li bin navên nû di nava kevanê de navên berê jî bîn nivîsîn û biryara hatiye girtin ji bo bê qebûlkirin dîsa ji Walîtiyê re hate rêkîrin. Walîtiyê, vê carê ji bo betalkirina biryarê li 1'ê mîna Dadgeha Îdarî ya Amedê doz vekir û biryar betal kir. Dadgehê di hincetê de wiha got: "Eger bi navên nû re navên berê jî bîn nivîsîn di mirov di bikaranînê de zehmetiyên bikişînin. " Di hincetê de hate destnîşankirin ji ber ku navên berê di nava gel de bi şiklekî ne fermî tîn bikaranîn, bi vê biryarê ji bo bikaranîna navên berê hewesa gel tê pêşxistin. Di hincetê de hate diyarkirin eger ev yek pêk bê de navên nû piştî demekê di nava gel de bîn jîbîrkirin

Bayhan: Gel navê kurdî dixwaze

Serokê Meclîsa Giştî ya Bajar a Amedê yê DTP'î Şeyhmus Bayhan, destnîşan kir ku gelê herêmê ji sedî 90 kurd e û li herêmê tu kes navên gundan bi tirkî bi kar nayne û got: "Yanî navên kurdî zêdetir tîn bikaranîn. Li vir kesên derdê xwe ji me re vedibêjin navên gundan ne bi tirkî bi kurdî bi kar tînin. Lê walîtiyê û dadgehê daxwaza gel a ji bo navên berê ên gundan li ber çavan negirt û red kir. Bayhan da zanîn ku daxuyaniya Wezîrê Karên Hundir Beşîr Atalay girîng e û wiha pê de çû: "Li ser vê daxuyaniyê em ê careke din biryarê bigirin û daxwazên xwe bînin ziman." AMED / DÎHA



Dadgehê navên kurdî yê parkan red kir

Piştî Qeymeqamiya Kayapınarê navên wekî Roşna, Şîlan û Rojda ku Şaredariya Kayapınarê dane sê parkan red kirin, Şaredariyê li Dadgeha Îdarî ya Amedê doz vekir. Dadgehê daxwaza rawestandina bicîhanîna biryarê ya Şaredariya Kayapınarê red kir.

Şaredariya Kayapınarê di sala 2009'an de 3 parkên nû çêkirin û navên Roşna, Şîlan û Rojda li parkan kirin. Lê Qeymeqamiya Kayapınarê daxwaza Şaredariyê red kir. Li ser vê yekê Şaredariyê ji Dadgeha 2'yemîn a Îdarî ya Amedê xwest ku biryara

Qeymeqamiyê ji holê rake. Lê dadgehê piştigiriya Qeymeqam kir û daxwaza Şaredariya Kayapınarê red kir. Dadgehê de niha ji doza Şaredariyê ya ji bo betalkirina biryara Qeymeqamiyê vekir, bi encam bike. Di vê navberê de dadgehê li ser doza Şaredariya Kayapınarê vekir ji Qeymeqamiyê sedema redkirina navên parkan xwest. Di bersivê de biryara Dadgeha Şewirmendiyê ya der barê Şaredariya Sûrê de ku bi bonoya Şarvaniya Pîrîzîmanî girtî bi bir xist û wiha got: "Şaredarî dema ji bo komên civakê yê cuda xizmetê

dike divê li gorî pîvanên Makeqanûnê û zagonan tevbigere. Ji ber vê yekê ji bilî tirkî navdayîna cihêkî bajar li gorî 1'ê mîna Xala Rêzîknameya Nûmaredayîncê ya di 1998'an di Rojnameya Fermî de hatiye weşandin, hatiye redkirin. Di encama lêkolîna me ya li ser daneyên Saziya Zîmanê Tirkî de navên dayne parkan di tirkî de nîn in."

Dadgeh piştî vê bersivê Qeymeqamiyê de daxwaza Şaredariya Kayapınarê binixîne û biryarê bide ka Şaredarî dikare van navan li parkan bike an na. AMED

ÎHD'ê bertekên tund nişan dan

Binçavkirina rêveberên Navenda Giştî ya ÎHD'ê li Stenbol û Dîlokê bi tundî hate şermezarkirin û hate xwestin ku ÎHD'î di zûtirîn demê de serbest bîn berdan.

Şaxa ÎHD'ê ya Dîlokê û nûnerên civakî bi armanca şermezarkirina binçavkirina 4 rêveberên Navenda Giştî ya ÎHD'ê li avahiya komeleyê daxuyanî da. Seroka Şaxa ÎHD'ê Gultân Aydin girtina hevalên xwe bi tundî şermezar kir. Aydin xwest ku Tirkîye dev ji zordariyê berde û li gorî Danezana Parastina Parêzvanên Mafên Mirovan a NY'ê tevbigere.

Şaxên ÎHD û ÇHD'ê yê Stenbolê jî bi armanca şermezarkirina binçavkirina li Qada Galatasarayê daxuyanî dan çapemeniyê. Serokê Rêxistina DTP'ê ya Stenbolê Halîl Aksoy, kedkarê sinemayê Yusuf Çetin, parêzerê ÇHD'ê Kemal Aytas, Serokê Şaxa ÎHD'ê Gulseren Yolerî û gelek kes beşdarî daxuyaniyê bûn. Koma pankarta, "Parêzvanên mafên mirovan serbest berdin" vekir binçavkirin protesto kirin. Rêvebera ÎHD'ê Ozlem Gumuştaş daxuyanî xwend û xwest ku hevalên wan di zûtirîn demê de serbest bîn berdan. Gumuştaş xwest ku Tirkîye li gorî peymanên mafên mirovan û Danezana Parastina Parêzvanên Mafên Mirovan a NY'ê tevbigere. DÎLOK/STENBOL / DÎHA

Seroka DTP'ê ya Konyayê hat girtin

KONYA

Polîsan duh bi ser Rêxistina DTP'ê ya bajarê Konyayê de girt û li avahiyeke lêgerîn kir. Di çarçoveya operasyonê de saetên serê sibê de destpêkir de piranî xwendekar, gelek kes hatin binçavkirin. Operasyonê di 14'ê nîsanê de li hemberî DTP'ê destpêkirî berdevam dike. Yekîneyên Midûriyeta Polîsan a Konyayê duh di saetên serê sibê de bi ser gelek malan û Rêxistina DTP'ê ya Konyayê de girt. Di serdagirtinê de li avahiyeke lêgerîneke hûr hate kirin. Di encama serdagirtina malan de piraniya wan xwendekar gelek kes hatin binçavkirin. Hate zanîn ku li mala Seroka Rêxistina DTP'ê ya Konyayê Ayfer Almaz ji lêkolînê hatiye kirin. Li avahiya bajarê lêgerîneke hû hat kirin. Navên kesên heta niha hatine binçavkirin ên hatin zanîn wiha ne: Zeliha Belge, Huseyin Belge, Eylem Almaz, Gokhan Sefil û kesên paşnavên wan nehatin zanîn Umît, zumeyen û Mustafa. Kesên hatin binçavkirin

DTP'ê nerazîbûn nişanî êrişan da

ISPARTA

Rêxistina DTP'ê ya Ispartayê têkildarî êrişên nijadperestan a li hemberî meşa bi armanca biranîna Deniz Gezmiş û hevalên wî pêk hatî de, li avahiya partiyê daxuyaniyek da çapemeniyê. Di daxuyaniya ku SDP'ê jî piştigiri dayê de Zeliha Şenturk bi bir xist ku di encama êrişê de 8 kes birîndar bûne. Şenturk diyar kir ku hemû çalakîyên wan ên demokratîk rastî êrişan tîn û wiha got: "Ev êriş li gorî helwesta polîsan pêk tîn. Bi awayê herî paşverû êrişî derdorên demokratîk tê kirin. Ev êriş ji operasyonê di 14'ê nîsanê de li hemberî DTP'ê pêk hatî cuda nîn e."

ÎHD: Li girtîgehên kurdî qedexe ye

Şaxa ÎHD'ê ya İzmirê têkildarî bînpêkirinê mafan ên li 2'yemîn Girtîgeha Tîpa F a Kirîklarê raporek amade kir. Di raporê de hate daxuyandin ku hemû girtiyên ku bi kurdî diaxivin rastî cezayên dîsîplînê yê giran tîn. Hate diyarkirin ku girtiyên ji xwestiyê heyetek ji ÎHD'ê pêk tê bi rêveberiya girtîgehê re hevdîtînan bike û raya giştî ji bo bînpêkirinê agahdar bike.

Şaxa ÎHD'ê ya İzmirê têkildarî bînpêkirinê mafan ên li 2'yemîn Girtîgeha Tîpa F a Kirîklarê raporek amade kir. Rêvebera Şaxa ÎHD'ê ya İzmirê Canan Uçar ku bi girtiyên re hevdîtînan pêk anî, daxuyand ku girtîgehê wekî Wezîrê Dadê yê berê Mehmet Ali Şahîni idîa kirî, bêpîrsîrêk nîn e. Di raporê de hate diyarkirin ku piştî Necmî Uçler wekî midûrê girtîgehê

hatiye şandin heta niha hemû girtiyên bi kurdî diaxivin rastî cezayên dîsîplînê yê giran tîn. Di raporê de ev agahî hatin dayîn: "10 saet mafê sohbetê bi temamiyê bikaranîn. 2 saet hevdîtînan, 4 saet xebata atolyeyê û seatek ji bi sporê tê sinorkirin. Ji bilî xizman, mafên girtiyên hene bi 3 kesên din re ji hevdîtînan pêk bînin. Eger ev maf piştî hate girtin di nav 10 rojan de neyê bikaranîn, tê asteng kirin. Daxwazên guherandina cih tîn redkirin. Mafê bikaranîna cihên hevpar ji holê hatiye rakirin. Di dema lêgerînan de pêkanînan rûmeta mirovan dişikên pêk tîn."

Ji bo ziman çalakî li dar xistin

Di raporê de hate daxuyandin ku di dema bi girtiyên bi navên Selahattîn

Mete, Ahmet Kaya û Ridvan Şahîni re hevdîtînan dikir de girtiyên din bi armanca daxwazên xwe bînin ziman li deriyên xistin û çalakî kirine. Di raporê de daxwazên girtiyên ên ji rayedariya girtîgehê ji hatin vegotin. Li gorî raporê girtî van daxwazan dikin:

- ✓ Bila derfeta kirîna kovar, rojname, pirtûkên kurdî û weşanên bi kurdî bidin
- ✓ Bila pêkanînan derveyî rûmeta mirovan ên di dema lêgerînan de bi dawî bibin
- ✓ Bila mafê hevdîtîna 3 kesên neximên girtiyên bi 10 rojan neyê xespkirin
- ✓ Bila sinorkirina pirtûkan bê rakirin
- ✓ Bila astengiyên li pêşiya guherandina odeyan rabe
- ✓ Bila cudakariya girtî û hikûmîxwaran bê rakirin û astengiya li hemberî

bikaranîna qadên havpar bê rakirin

- ✓ Bila helwesta arastekirîna ya psîkolog û pedagojan ji holê rabe
- ✓ Bila parvekirina pirtûk û eşyayan neyê astengkirin.

Daxwaza bila ÎHD raporekê çêke

Uçar têkildarî mijarê anî ziman ku girtiyên diyar kirî rayedariya girtîgehê riyê diyalogê digire û ev tişt anîn ziman: "Bila heyeteke endamên ÎHD'ê û parêzvanên mafên mirovan di nav de bê avakirin. Ev heyet bila bi girtiyên re biaxive û raporekê amade bike. Her wiha bila heyet derbarê mijara girtiyên de raya giştî agahdar bike." Şaxa ÎHD'ê ya İzmirê jî li ser daxwaza girtiyên de di rojên pêş de daxuyaniyekê bide. İZMİR / DÎHA

Waliyê Wanê biryara lêkolîna înfazan veto kir



Meclîsa Giştî ya Bajar a Wanê ku bi armanca lêkolînkirina bînpêkirinê mafan, koçberî û mirinê di van demên dawî de li sinorê İran û Tirkîyê pêk tîn bi yek dengî biryar da ku komîsyonên "Koçberî", "Jin", "Kontrolkirina lêkolîna îhaleyên", "Têkoşîna li hemberî xizaniyê", "Mafên mirovan", "Kontrola sinor" bîn avakirin. Lê Waliyê Wanê ev daxwaz qebûl nekir.

Meclîsa Giştî ya Bajar a Wanê ku yekem civîna xwe di meha nîsanê de pêk anî, di civînê de ji ber bînpêkirinê mafên mirovan û mirinê di van demên dawî de li ser sinorê İran û Tirkîyeyê pêk tîn biryar girt ku 6 komîsyonên lêkolînê bîn avakirin. Piştî ku DTP'ê di Meclîsa Giştî ya Bajar de hejmarê xwe zêde kir, Waliyê Wanê Çakacak êdî tevî civînê meclîsê jî nebû. Ev helwesta Wali bû sedema nerazîbûnan. Endamê Meclîsa Giştî ya Bajar ê DTP'î Alî Kalçîk ku li hemberî biryara

Walî nezarîbûn nişan da, diyar kir ku komîsyonên bi vî rengî li Enqere û Amedê jî hene. Kalçîk, destnîşan kir ku ji bo avakirina komîsyonan dê teşebûsên pêwîst pêk bînin.

'Walî bi pêşdarazî biryaran dide'

Kalçîk, derbîrî ku bi sedema bînpêkirinê li ser sinor û zêdebûna pêvçûnê li herêmê û koçberiyê li Wanê pîrsîgîrêkên mezin rû didin. Kalçîk, destnîşan kir ku wan ji bo çareserkirina pîrsîgîrêkan komîsyon ava kirin, lê Walî bi awayekî kêfî biryara wan qebûl nekiriyê û wiha got: "Pêla koçberiyê ya ber bi Wanê ve didome. Her roj li ser sinor mirov jîyan xwe ji dest didin. Ji bo çareserkirina van pîrsîgîrêkan lezgin me komîsyon ava kirin. Lê Walî bîyî ku pîrsîgîrêkên heyî li ber çavan bigire biryar qebûl nekir. Em nîzamin Wali çima biryara komîsyonan qebûl nekiriyê."

'Divê komîsyonên meclîsê hebin'

Kalçîk, derbîrî ku komîsyonên wekî yê xwestine ava bikin li Meclîsa Tirkîyeyê jî hene û wiha dom kir: "Me bi armanca bi lez pîrsîgîrêkan bajar bîn çareserkirin ev komîsyon avakirin. Ev komîsyon li Meclîsa Tirkîyeyê jî hene. Çawa ku li Meclîsa Tirkîyeyê komîsyona mafên mirovan heye, lazim e li Meclîsa Giştî ya Bajar jî hebin. Walî bi veto ya biryara komîsyonan dixwaze xebatên şaredariyê asteng bike." Kalçîk, anî ziman ku ji ber qedexeya bazirganiya kesên dixwazin bazirganiya ser sinor bikin ji aliyê hêzên İran û Tirkîyeyê ve tîn kuştin. Kalçîk, diyar kir ku ji ber dixwazên der heqê kuştinê li ser sinor lêkolînê bikin, astengî hatiye derxistin. Kalçîk, bi lêv kir ku ji bo avakirina komîsyonan dê heta dawî hewl-danên xwe bidomînin. WAN / DÎHA

Çav li ser hevdîtina bi Ocalan re ne

Piştî daxuyaniyên rayedarên dewleta tirk ên di rojên borî de dayîn û peyamên Karayilan ên ku deng veda bûn, bendewariya ji bo peyamên ku dê Ocalan bide zêde bû. Parêzerên Ocalan ji bo hevdîtina asayî duh çûn Îmraliyê

INAVENDA NÜÇEYAN - AMED

Piştî hevpeyvîna qunciknûsê rojnameya Milliyetê Hasan Cemal a bi Serokê Koneya Rêveber a Koma Civakên Kurdistanê re niqaşên li ser pirsgrêka kurd germ bûn. Serokomar Abdullah Gul di sohbeke xwe ya bi rojnamegeran re got: "Fersendek derketiye holê, divê pirsgrêka kurd bê çareserîkirin". Serokwezîr Erdogan û Wezîrê Karên Hundir Atalay ji peyamên nêzî ve daxuyaniyê dan. Li gel atmosfera heyî hevdîtina Rêberê PKK'ê Abdullah Ocalan a bi parêzeran re bû yek ji rojevên esasî. Peyamên Ocalan vê hefteyê bi navgîniya parêzerên xwe bide tê mereqkirin. Ocalan di hevdîtina di 6'ê gulandê de pêk hatî de anî bû ziman ku ew li ser pakêteke ji bo çareseriya pirsgrêka kurd dixebite.

Lîderê PKK'ê Abdullah Ocalan vê hefteyê dê ji bo atmosfera di çarçoveya niqaşên ji bo çareseriya pirsgrêka kurd derketiye holê çî bêje, tê mereqkirin. Beriya ku naveroka hevdîtina Ocalan parêzerên xwe re aşkera bibe, me notên hevdîtina

yên Ocalan ku piştî hîlbijartinên 29'ê adarê pêkhatine vekolan û peyamên dayîn derxistin.

'Xwe ji bo aştîyê amade bikin'

Piştî hîlbijartinê yekemîn notên hevdîtina yê Ocalan di 3'ê nîsanê de bi raya giştî re hatin parvekirin. Di vê hevdîtina ku di 1'ê nîsanê de pêkhatibû de peyama amadekariyê pêvajoyeke aştîyane dane. Ocalan destnîşan kir ku heger dewlet bixwaze pê re diyalogê pêk bîne pêwîst e bi rengekî girêdayî hiqûqê, civakî û demokratîk xwe organize bike. Ocalan ji bo diyalogê ji xwest ku ev şert û merc bîrên afirandin: "Heger dewlet dixwaze li ser bingehê Komara Demokratîk pirsgrêkê çareser bike em dikarin guftûgo bikin. Divê dewlet xwe li gorî normên hiqûqî û demokratîk organize bike. Xuya ye dewlet ber bi rewşeke wisa ve diçe. Heger dewlet bê biçûkkirin û tenê rola oganîzasyon û koordîneyê bigire em ji dest nadin sinoran. Divê sistemek her kes dikare xwe azad

îfade bike û rêxistinbûna xwe ya azad pêk tîne çêbe. Heger tê xwestin ku PKK ber bi bingehê siyasî ve were kişandin, ez dibêjim gerek gavên bi vî rengî bîrên avêtin."

'Erdogan rastîyê nabîne'

Ocalan di hevdîtina xwe ya di 14'ê nîsanê de pêk hatî de anî ziman ku "Erdogan rastîya pirsgrêka kurd fêm nekiriye" û minaka 8'emîn Serokomarê Tirkiyeyê Turgut Ozal bi bîr xist. Ocalan wiha gotibû: "Turgut Ozal fêm kiribû. Lê emrê wî tê nekîr. Çareserî taloq bû. Divê Erdogan rastîya pirsgrêkê fêm bike û çareseriyê taloq neke. Careke din bang li birêz Erdogan û Gul dikim û dibêjim werin taloq nekim, em vê pirsgrêkê çareser bikin".

'Ji bilî min kes tiştêkî nabêje'

Rêberê PKK'ê Ocalan ji bo mûxatabiya pirsgrêkê ji xwe nişan da û got: "Ez nabêjim îleh werin bi min re biaxivin. Lê belê siyasatmedarên pirsgrêkan bi cesûrî tînin ziman nînin. Wê bi kê re çareser

bikin. Kî pirsgrêkê tîne ziman, ez tînim ziman û lewma mûxatabî jî ez im. Xwedî jî bilî min mûxatabek hebûya, lê belê nînin e."

Ji bo Başbûg çî gotibû?

Ocalan gotinên Serfermandarê tirk İlker Başbûg jî nîrxandin û got: "Başbûg behsa gelê Tirkiyeyê dike û dibêje ku ev gotin ya Mûstafa Kemal e. Min berê jî gotibû û wî bersiv daye min. Lê belê kêma gotiye. Mûstafa Kemal di dewama wê gotinê de, behsa dayina xweseriya kurdan jî kiriye. Ez li bendê bûm, Başbûg fikrê Mûstafa Kemal ya ji bo dayina xweseriya kurdan jî bîne ziman. Lê dîsa jî gotinên Başbûg girîng in. Başbûg derî vekiriye, ji niha û pê ve, berpirsariyê dikeve ser milê siyasîyan."

Ocalan biyara bêçalakiya leşkerî ya heta 1'ê hezîran wekî biryareke PKK'ê nîrxand, xwest ku ew hewldan bêbersiv neyê hiştin û got: "Heger siyaseta bêçareseriyê dewam bike, wê rê li ber teqîn û bûyerên mezin veke."

'Pakêteke amede dikim'

Rêberê PKK'ê Ocalan di hevdîtina xwe ya ku di 6'ê gulandê de pêk hatibû de ji peyamên ji bo çareseriya pirsgrêka kurd dabûn. Ocalan di vê hevdîtina xwe ya dawî de anîbû ziman ku divê pirsgrêka kurd di hundir de bê çareserîkirin û gotibû "ez li ser pakêteke çareseriyê dixebitim". Ocalan wiha gotibû: "Ez li ser pakêteke çareseriyê dixebitim. Hin derdor bi riya çar bi çar dîtînin me yê ji bo çareseriyê lêkolîn dikin. Ez jî di vî mijarê de, pêwîstiya berpirsariya xwe bi cih tînim û pakêteke min a ji bo çareseriyê heye. Niha li ser dixebitim. Hin kes dibêjin pirsgrêkê hewaleyê derve kirin şaş e û em xwe bi xwe pirsgrêkê çareser bikin. Ev dîtînin û fikreke rast e û divê her kes piştîgiriya bide vî fikrê." Ocalan di vê hevdîtina xwe ya bi parêzeran re bal kişandibû ser helwesta partiyên siyasî yê tirk û CHP û MHP bi zîmanekî tund rexne kiribûn.

Banga ji bo Erdogan

Rêberê PKK'ê Ocalan di hevdîtina xwe ya ku 8'ê nîsanê de pêk hatî de diyar kir ku hewldanên tasfiyekirina PKK'ê wê bêncam bimînin û ji rêveberiya tirk û hêzên pêwendidar xwest ku dev ji hewldanên tasfiyeyê berdin. Ocalan bangeke taybet li Serokwezîr Recep Tayyip Erdogan, CHP û partiyên muxalefetê yê tirk kir û got: "PKK'ê heta hezîranê dem daye. Baş e. Em ê ji li gorî wê

tevbigirin. Heger bi hewldanên tasfiyeyê nêz nebin û di çarçoveya gotinên me de gav biavêjin, wê jî vî hemî alî kêfxweş bibin".

Ocalan anî ziman ku ew aligirê çareseriya demokratîk, ne aligirê veqetîne ne û got: "Heke di hewldanên tasfiyekirina PKK'ê de îsrar nekîr, gavan biavêjin, wê karibin pêşîya şer, pevçûn û ri-jandina xwinê bigirin û rê li ber çareseriyê vekin".

Parêzer çûn Îmraliyê

Parêzerên Rêberê PKK'ê Abdullah Ocalan, Mehmet Nuri Deniz, Asya Ulker û Burhan Bugday ji bo bi muwekilê xwe re hevdîtina asayî ya heftane pêk binin duh çûn navçeya Gemlik a Bursayê. Parêzer piştî muameleyên li Femandariya Cendirmeyan a Gemlikê ji bo hevdîtina bi muwekilê xwe re çûn girava Îmraliyê.

DTP'ê pirsgrêkên cotkaran pirsîn

Parlamentera DTP'ê ya Stenbolê Sebahat Tuncel bi boneya 14'ê Gulanê Roja Karkeran pirsgrêkên karkeran anîn Rojeva Meclîsê. Parlamentera DTP'ê ya Stenbolê Sebahat Tuncel bi boneya 14'ê Gulanê Roja Karkeran pirsgrêkên karkeran anîn Rojeva Meclîsê. Tuncel di pirsniyamameya bi daxwaza bersivandina Wezîrê Gund û Çandîniyê Mehdi Eker da Serokatiya Meclîsê de balkişand ser pirsgrêkên karkeran. Tuncel ev pirs ji Eker kirin:

- ✓ Ji bo çareserîkirina pirsgrêkan li gorî herêman bernameyên we yê taybet hene?
- ✓ Xebatek wezaretê we ya ji bo yekîneyên karkeran baştir bixebitin li gorî şert û mercên demê tedbirên zagonî tînin girtin?
- ✓ Li Meletiyê bendavên bi armanca avdaniyê tînin çekirin kîjan in?
- ✓ Ji bo çareserîkirina pirsgrêka karkeran ên tîkildarî avadaniyê heta niha çî hatîye kirin?
- ✓ Projeyên we yê berbiçav ên piştî niha çîne?
- ✓ Ji bo çareseriya pirsgrêkan di navbera sendîqayan, odayên pişeyan û Wezaretê we de hevkarî heye?
- ✓ Derbarê virûsa 'Şakra' a li Meletiyê zirarê dide cotkaran de agahiya we heye? Ji bo astengkirina vî virûsê hûn tiştêkî dikin?"

ENQERE

'Di pirsgrêka kurd de gava yekê diyalog e'

Rewşenbîrên ku daxuyaniyên di van rojên dawî de tîkildarî çareseriya pirsgrêka kurd ji aliyê Serokomar Abdullah Gul û hin rayedarên din ve hatin dayîn nîrxandin, bal kişandin ku ji bo çareseriyê gava yekê divê diyalog be. Rewşenbîran, destnîşan kirin ku ji bo çareseriya pirsgrêka kurd gava yekem diyalog e û ji bo çareseriya mayînde pêşniyar kirin Makeqanûnê bê guhertin.

Ji Bernameya Demokratîkbûnê ya TESEV'ê Lêkolîner Dilek Kurban: Tiştê herî bi wate ew e ku hikûmet bi DTP'ê re têkve nava diyalogê. Di rewşê pevçûn dom dikin de ne mimkûne aştî pêk bî. Ji ber vî yekê divê herdu alî jî çekan bêdeng bikin. Ji bo bêdengbûna çekan pêwîstê gav bî avêtin. PKK xalek girîng e. Ji bo PKK çekan daye lazîm e serastkirinê qanûnî yê teşvîk bikin bîrên çekirin.

Rojnameger Etyen Mahçupyan: Divê hemû alî li dora maseyêkê bî cem hev. Dê kî li ser maseyêkê rûnê ev mijarek cuda ye, lê divê zûtirî demê ev yek pêk bî. Ya pêşwîst ew e ku bê şert bikaribin biaxivin.

Dadgerê Teqawîf Albay Umît



Kardaş: Çareseriya pirsgrêka kurd û heta pirsgrêkên din jî dê bi makeqanûnek nû mimkûn be. Heta makeqanûnek nû neyê derxistin pirsgrêka kurd bi 2-3 guhertinê simbolîk çareser nabe.

Parêzer Sezgin Tanrikulu: Daxuyaniyên ji aliyê Murat Karayilan ve hatine dayîn girîng in. Bi nîrxandina lihevkerîyê dê li hevkarîna ji bo çareseriyê pêk bî. Bi vî yekê dê bingehê axaftinê bê avakirin. Ji hêla kesên siyasîyê dikin ve ev yek girîng e. Pirsgrêka kurd pirsgrêkek dewletê ye. Ji ber vî yekê divê Serokomar Gul divê mijarê de rolek hîn çalakîrî bilîze. Lazîm e gavên hîn berbiçav bavêje.



Prof. Dr. Mîthat Sancar: Nişaneke girîng a ji bo niyetê, daxuyaniyek berbiçav a ji bo naşandana vîne, gavên biçûk û just pêwîst in. Tenê gotin ne bes in. Lazîm e Serokomar, Serokwezîr û Serfermandarê Giştî niyeta xwe ya ji bo çareseriyê nişan bidin. Ji bilî metodên tasfiyekirîyê û teslîmîyê divê niyeta xwe ya ji bo bêçêkirinê nişan bidin. Lê hîn li holê tiştêk berbiçav tune. Gotina "Dê tiştên baş bibin" berî niha jî hatibû dubarekirin. Ez hêvîdar im li pişt van gotinan amadekariyek hebe. Serokomar inîşiyatîfê bigire destê xwe dê girîng be. Bi rastî ez bawer nakim ku hikûmet di vî mijarê de bi serê xwe



helwestek bi biryar nişan bide. Partiyên din jî hene. Qismek rayagiştî pêkutiyê dike. Eger bi rastî Gul bi îşaretên girîng, bernameyek girîng tevbigere dê feydeyek mezin bide.

Prof. Dr. Dogu Ergil: Di pirsgrêka kurd de sendruma "deja ju" angoyê tiştê berê jî çêbûbû tê jiyîn. Berê tiştêk çêbûye û ew tişt tim tê dubarekirin. Em niha di rewşeke wisa de ne. Lê rastî ew e ku li ber tîrêjên rojê tu tişt venamirin. Belê ev gotin (gotinên Gul) civakê rehet dikin. Lê ez ê li livûteyê binêrim. Di livûteyê de guhertinekê nabînim. Em ketine dewreyeke psikolojîk. Em bi xwe, xwe teselî dikin. STENBOL / DİHA

DTP'iyên got em jî şîrîkên heman sûcî ne

DTP'a İzmirê, bi armanca piştîgiriya dayîna 53 DTP'iyên ku di çarçoveya operasyona di 14'ê nîsanê de hatin girtin, bi daxwaznameyê diyarkirin ku rêveberên wan bi çî tînin suçdar kirin ew jî wan suçan pêk tînin û daxwazname ji Dozgeriya Komarê ya Amedê re şandin.

Komek endamên DTP'a İzmirê bi armanca piştîgiriya 53 DTP'iyên di operasyona di 14'ê nîsanê de hatine girtin li ber Sumerbanka Kevin a Konakê hatin cem hev. İHD, SDP, YDG-M, TZPKurdî, NÇM û endamên TAYD-DER'ê jî di nav de gelek kesan bi armanca piştîgiriya dayîna 53 rêveberên

DTP'ê yê ku di çarçoveya operasyona 14'ê nîsanê de hatin girtin, daxuyaniyên dan çapemeniyê. Li ser navê saziyan Alikarê Serokê DTP'a İzmirê Duzgun Bulak, daxuyaniyên xwend û diyar kir ku hevgerîyê sûcê rêveberên DTP'ê yê ku di 14 nîsanê de hatin girtin nînin û wiha got: "Piştî hîlbijartinê herêmi AKP'ê encamê hîlbijartinê hezm nikir û saziyên dewletê li hemer gelê me û partiya me dest bi girtinê kir. Wek pariya gel tû êrişên wiha bê bîzar nakin. Emê tekoşîna xwe ji ya herdemê bêhîr zêde bilind tir bikin."

Piştî daxuyaniyê girse ber bi Postaxaneyê Konakê ve meşîyan û ji Dozgerê Komarê yê Amedê daxwazname yê xwe îxbar kirinê şandin. Her wiha ji bo DTP'iyên girtî jî 2 hezar û 500 qartên piştîgiriya hatin şandin. İZMİR

Kurdên li Mêrsînê dijîn dikevin grevê

DTP'a Mêrsînê jî bo protestokirina zextên li ser DTP'ê amadekariyên xwe bi dawî kirin. Grewa birçîbûnê ya ku îro dê bi beşdariya bi hezaran kesî dest pê bike, çavliçêyê ku bibe greva birçîbûnê ya herî mezin. Serdokê DTP'a Mêrsînê Ramazan Evkîncî bangî nûnerên saziyên sivîl û hêzên demokratîk kir ku piştîgiriya bidin greva birçîbûnê. Grewa birçîbûnê ya bi şîra 'DTP'ê bêdeng nekîr, çekan bêdeng bikin' pêk bî, îro dê li beravahiya DTP'ê Akdenizê di çadireke ku hatiye vedan de destpê bike. MÊRSİN

Almanya dê li çekên xwe bigere

Heyeta ji Almanyayê hate gundê Zankirtê lêkolîna xwe ya der barê komkujiyê de berdewam dike. Heyetê daxuyand ku Civaknas Martin Dolzer dê bê li herêma lêkolînê bike ka çekên Almanyayê li herêma di nav kurdan de tînin bikaranîn an na?

Heyeta li ser navê Komîsyona Karên Derve ya Meclîsa Almanyayê û Parlamentoya Federal a Ewropayê hatî Zankirtê xebatê xwe yê tîkildarî bûyerê didomîne. Heyetê daxuyaniyek nivîskî weşand û diyar kir ku di rojên pêş de Civaknas Martin Dolzer dê bê li herêma lêkolînê bike ka çekên Almanyayê dayîn Tirkiyeyê li derveyê peymanan di nav civakê kurd de bikar tîne an na? Di daxuyaniyê de hate destnîşankirin ku ji bo vî yekê dê bi parazvanên mafên mirovan, şaredar û siyasatmedarên herêma re hevdîtîna pêk bî. MÊRDİN



Riyên pêşketina wêjeya kurdî⁻¹⁻

Iro gelek lêkolîn û gotarên der barê wêje û nivîskariya kurdî de li holê ne. Her mijareke her nivîskêrê di cihê xwe de xwedî nîrxek e. Her xwêdanek û her gotarek ji hêla xwe ve pîrsekê yan komeke pîrsan hiltîne û li gorî zanebûn û derfetên xwe yên zanistî wan rave dike. Heta heke hinek pîrs ji ber dijberiyên xwe neyên pejirandin ji dîsa ew bi tomeriya nakokiyên xwe ve dibin bingeh, ku mirov gotûbêjan bidomîne û rastiyê derxîne holê...



Ezizê CEWO

Gotûbêj bi gotûbêjan, lê mabesta me li vir tiştekî din e! Ya ku em di vê gotarê da dixwazin li ser bixavîvan, ew pîrsa wêjeyê bi giştî ye û di nav wê da ji pîrsa taybetmendiyên avabûn û pêşketina wêjeya kurdî, riyên wê yên ber bi xwedîtin û xweguhartin û nûjenbûnê ve. Em ê hewl bidin di nav çarçoveya pêşketinê civaka kurdî de li ser avabûn û pêşketina wêjeya kurdî dîtînin xwe bi giştî binînin ziman.

Di dawiyê de em ê li ser rewşa wêjeya kurdî ya vê serdemê, zimanê wêjeyî û weşana pirtûkan ji rawestînin.

Dema li ser wêjeya kurdî tê axaftin divê bê zanîn ku ew wêjeya gelêkî bindest û qedexe ye. Ku çawa hêzên dagirker û serdest xwestine gelê kurd tune bikin, wisa ji her tiştê kirine ku wêjeya wî wek wêjeyê neteweyekê negihîje. Rastîr dibê heke mirov bigota, ewan her tiştê kirine û iro jî dikin, ku wêjeya kurdî çênebe û pêşnekeve. Wan hewl daye, ku hê di colangê de wê bifetîsin. Ji ber ku wekî ziman bingeha nasnameya neteweyî ye, wêje jî şewazekî pêkanîna nasnameyê ye di jîyanê da. Wêje eynika pêşkevîtin û dînamîka civakê ye - bi hêlên wê yên erênî û neyînî ve. Ew hêmanek e, bi kîjan neteweyê dîtî, raman û nîrxên xwe yên jîyanê, hest û ramanên xwe bi hunera wêjeyê tîne ziman û bi wî awayî xwe baştir nas dike, dide nasandin û di civaka mirovîyê ya giştî da netewebûna xwe diparêze û dide pejirandin.

Her çiqas jî em dikarin bibêjin, di dema xwe da serbilindiyên neteweyî yên wekî; Melayê Batê, Eli Herîrî, Melayê Cizîrî, Ahmedê Xanî, Goran, Cegerxwîn û yên wekî wan ji nav gelê me derketine, dîsa jî ji bo xatirê rastiyê, divê bê gotin ku

wêjeya me wekî şewazekî mitalêkirina (ramankirin) civakî nivîskan û lewaz maye. Û ev jî got ku me li jorê jî got ji ber wê ye ku hêzên dagirker û serdest hemû riyên pêşketîna civakî li ber gelê me girtine. Ji ber ku gelê me bi xwe bindest bûye, raman û wêjeya wî nikaribûye azad be. Û heke jî nav gelê me heçyên(1) wêje û ramanê yên mezin derketine, wan wekî volkanekê dane der. Ewan jî bin derxûn(2), ber û zinaran, ên ku dijmin danibûn ser devê beroşa raman û mitala me, bilqîn kirine û derketine ronahiyê. Û eger ew mezinahî, yên ku me li jor gotin, derketin ji tu derfet û rê jî bo wan venebûne, ku ew bibin hebûna civaka giştî ya mirovahiyê. Ev demek e dirêj e ji gelê kurd û cihanê veşartî bûne, wek wan zêr û kevîrên qîmetî, yên ku bi sedsalan di bin axê de mane.

Em îro dikarin bibêjin, ku heta nîveka sedsala XX'an ku navê wan mezinên me dizanibûn (an bihistibûn), mirovê bikaribûya li ser tiliyên destekî bihejmarta. Û ji ber ku di nav civaka kurdî de tu kesî nikaribû bi zimanê dayîkê û li ser bingeha çand û wêjeya neteweyî perwerdeya xwe destbanîya, gelek lawên gelê me, yên ku perwerdehiya xwe bi zimanê biyanî dîtine, bûne hebûn û serbilindiyê neteweyên din (Baba Tahir, Nizamî, Ahmed Şewqî, Yaşar Kemal, Selim Bereket û gelekên din). Di dema xwe da Rojhilatzanê Soviyetî yê Mezin İosif Orbêlî hê di nîveka sedsala XX'an de nivîsiye ku gelê kurd keda xwe kiriyê nav xezîna şaristaniya cihanî ku vî gelî di bin navê îraniyan (farizan), tirkan, ereban, ermenîyan de gelek lawên xwe, yên wekî helbestvan, sazband (mûzîsian), serleşker ên bi nav û deng wîndî kirine û yên ku îro diroka wan gelan dixemilînin.

Belê, gelê kurd keda xwe kiriyê nav xezîna şaristaniya cihanî. Belê, gelek lawên wî diroka gelên cînar dixemilînin, lê dagirker û serdestan bi her awayî rê li pêşîya wan girtine ku ew nikaribin bi zimanê xwe, li ser bingeha çand û hunera neteweyî pêş bi kevin, ji ber ku bi tevî wê jî gelê kurd di nav xwe da hêz û derfet dîtine, ku raman û giyana neteweyî di nav wî de venemire. Dibe ku ev bi tevgerî nebûye jî, lê di bingeha xwe ya xwezayî da çand û hunera gelê kurd ew qasî bi hêz e ku qedexe û tevkujiyê nikaribûne rê li pêşîya rûdana çandî û hunerî bigirin.

Dagirkeran wêjeya nivîskî qedexe kirine, gelê kurd ya zarkî kiriyê alternatif, û bi zargotina gelêrî ra tevayî gelek helbest û destaneyên helbestvanên kurd ên sedsalên navîn bi zarkî di nav gel da geriyane (parçeyên destana helbestvanê bînav yê sedsala VII, Feqîyê Teyran, Ehmedê Xanî, Melayê Cizîrî û yên din).

Di rewşeke wiha da wêjeya kurdî, bi wateya peyva Wêje ya tam, nikaribû bighîştî wê astê, ya ku ji bo neteweyekê tê xwestin. Lê ew toxim û zil, ên ku di nava sedê salan da hatibûn reşandin û gihandin, bûn bingeh, ku di sedsala XX'an de wêjeya kurdî ji nû ve vedijîne. Guhertinên di cihanê de û pêla tevgerên azadixwaz ên kurdî bi xwe re pêwîstiya ji nû ve xwendin û li gorî serdemê nû watedarkirina afrandinê klasîkên wêjeya kurdî derxistin holê. Û dîsa jî ji ber ku di welatê me de her tiştê me yê neteweyî bi astengî û qedexeyan re rûbirû bûn, dawîya sedsala XIX'an, destpêka sedsala XX'an zanista der barê kurd û Kurdistanê de, wêje û çapemeniya kurdî li derveyî welat riyên pêşketinê geriyar (Bexda, Yêrivan, Qahirê, Moskova, Roma, Sankt- Pêtêrbûrg, Şam û yên din)...

JÊRENOT:
(1) Heçe: Serê çiyayê bilind. Yê ku sal-dim-dêre bi herfê pêçayî ye û di nav ewran de wînda dibe û her kes nikare xwe bigihîne wan bilindayan. A ji wan mirovan re, yên ku di nav zanist, wêje, çand û hunerê da digihîjin destanên mezin û bilind, bi wateyî dibêjin Heçe, ango, bilindayîya ku ji her kesî nayê xwe bigihîne.
(2) Derxûn: Devgîrk (qalpax) ê dizane ji xwelîya kaxçîn çêkîrî.

HÊVÎ Û EVÎN

An jî dildarî ne tiştêkî hêsan e
 ku mirov bikare bîtemîne an bide
 tehmandin
 ne hêsan e hezkirin lewre bi her awayî
 hezkirin dixwaze bîr û bawerî
 fedakarî wêrekî û dilawerî
 vînek azad û dilek bêhêz û rûmetî
 rastî û duristî
 dilsozî û hezkirina apovanî
 berî her tiştî ked û hewl û tehb dixwaze
 ne hêsan e şexsiyetek sayanî
 her kes nikare hez bike bi evîn û evindarî
 xwezî tu bana şayanê hezkirinê
 belê, mirovê hezkirinê
 xwezî min jî bizaniba
 rîya baxê evînê
 dema ez ji çavên wî dipîrsim
 destê wî diricîfîn
 hestên wî difîrîn
 xwezîya wî naçe xwarê
 û dengê wî dilerîze
 di nava dilê xwe de dikelim
 hêsinê dilê min mîna pêşên barana biharê
 hûr hûr dîniqutin ser birîna dilê min
 dergîşa jîyanê di nava reşbîniya min de
 bilûra tenêbûnê
 poşmanî ye lorîna min, dîzanim
 ne evîn e her hezkirin
 dîsa jî daxwazîyeke ji dilê min
 evîneke şayanî
 apovanî ji çavkaniya min

HACER XELIL YUSUF



balekani@hotmail.com

İkrâm BALEKANÎ

Dinyaya Kurdan

Dinyaya kurdan ger we bala xwe dabê, em gelek caran ji bo rewşa hewayê gotina "Dinya" yê bi kar tînin. Wekî mînak em dibêjin: "Dinya pir xweş e, dinya pir germ e, dinya pir sar e

û hwd." Heyran ma em li ber tenûrê rûniştîbin, emê jî ku bizanin dinya germ e yan sar e? Gelo nebe ku germa tenûrê zêde ye û em meselê zêde mezin dikin! Yan jî di dinyaya xwe ya "biçûk" de em zêde xwe mezin dibînin û texmîn dikin ku em bûne "Saziya Metrolojiyê" ya cihanî! Yan jî em di guhê ga de razane û haya me ji cihanê nîn e. Em texmîn dikin cihan hemû li derdora me dizivîre û gundê me cihan e. Gelo bi rastî cihan ew qas biçûk e yan jî em ew qas mezin difikirin! Gelo terîmeke din tuneye ku em bi kar binin? Qey gotin nemanê? Welhasil ji bilî me, tu kes jî bo rewşa hewayê "Dinya" yê bi kar nayîne. Balkêş e, em dibêjin dinya ewr e, dinya sahi ye, lê dema berf an baran dibare, em nabêjin "Dinya dibare". Em dibêjin baran dibare yan berf dibare. Lê dîsa em

nexwazin em dikarin terka gotina dinyayê nekin, emê bêjin "dinya baranî ye"...

Çi dibe bila bibe, gotina "dinya" xweş e. Ji bo ku em neşîbin gel û neteweyên li derdora xwe divê em bi kar binin.

Di hêla 'sosyolojîk' de ev pêşketineke baş e. Kurd bi dinyaya xwe razî ne û cihê ku lê dimînin bi qasî cihanekê qebûl in û jê hez dikin.

Wekî hûn dizanin bi dehan sal in ku zimanê kurdî hatiye qedexekirin.

Heta li Tirkiyeyê dihate gotin ku zimanekî wisa tuneye û dest bi gotina çirokan dikirin. Sêdemêke bingehîn a ku neteweyan ji hev cuda dike, ziman e. Lê qaşo lêkolînerên tirk digotin, kurdî ne serbixwe ye. Çawa ne serbixwe ye! Wele eqaş serbixwe ye, heta tiştên di nava zimanê kurdî de di


nava ti zimanên cihanê de tunene. Me li jorê jî mînakê wê dît.

Ger bê bîra we ku sedîsedê têt bîra we, 14, 15 û 16'ê gulane rojên cejna zimanê kurdî ne. Jixwe bi vî yekê jî em îsbat dikin ku kurd û zimanê kurdî ji neteweyên din cudatir in. Heyran li hemû cihanê rojekê cejnê pîroz dikin. Lê kurd, çil roj û çil şevan dawetê dikin, 7 rojan cejnê pîroz dikin, 25 rojan Newrozê pîroz dikin, hefteyekê 8 Adarê pîroz dikin, nîzanim çî û çidîkin! Niha jî 3 rojan cejna ziman pîroz dikin. Ez bawer im mirov bide ser hev û hesab bike, wê sal ji bo me deyndar derkeve û têra pîrozbahiyên ne nake. Ma êdî em çî bikin û çawa nişan bidin ku ji gelên din cudatir in!

Ez bawer im dinya sar e, wê berf dibare ser dawîya nivîsa min...

HAWARA EYŞO

● SÊLA SOR A EYŞO



● HER TIŞT QEDIYA MA ŞERÊ DÎKAN



● ŞÎDETA LI DJÎ ZAROKAN



● KURMÊ DARÊ



Ji zarokan daxwaza zimanê zikmakî

Zarokên kurd destnîşan kirin ku ji ber ew bi zimanê dayikê bi hêsanî xwe tînin ziman, daxwaza perwerdehiya bi zimanê dayikê dikin. Civaknas Gulistan Akel da zanîn ku zarok dema bi zimanekî biyanî perwerdehiyê dibînin derûniya wan xira dibe

Zarokên êlihî, diyar kirin ku ew herî zêde xwe bi zimanê dayikê xwe bi hêsanî tînin ziman û xwestin bi zimanê dayikê perwerdehiyê bibînin. Civaknas Gulistan Akel ji diyar kir ku zarok bi zimanê zikmakî civaka xwe nas dikin û bi zimanê zikmakî teşe digirin.

Zarokên êlihî ku bi salan e ji ber çewisandin û pişaftina pergala dewletê nikarin bi zimanê xwe perwerdehiyê bibînin, xwestin bi zimanê zikmakî perwerdehiyê bibînin. Zarokan bal kişand ser nakokiyên Hikûmeta AKP'ê û gotin ku li aliyekî TRT 6 weşana kurdî dike û li aliyê din nikarin bi zimanê dayikê perwerdehiyê bibînin. Zarokê bi navê Ahmet Akbulut ku diçe pola 6'emîn, destnîşan kir ku zimanê wan bi kurdî ye û perwerdehiya wan bi tirkî ye. Akbulut, diyar kir ku ji ber ew bi zimanê biyanî perwerdehiyê dibînin pir zehmetiyê dikişîne û di dersên xwe de ne serkeftî ye.

'Min qet tirkî nedizanî'

Xwendekarê bi navê Cuma Alokmen ku diçe pola 9'an ji da zanîn ku ew bi diya xwe, bavê xwe û derdorê xwe re bi kurdî diaxivî û bi tirkî nizanibû. Alokmen wiha axivî: "Dema ez çûm dibistanê ez rastî zimanekî biyanî hatin. Min qet bi zimanê tirkî nizanibû. Her tişt bi min xerîb dihat. Ji ber ku ez bi tirkî nizanibû di polê de her dem ez bêdeng dimam. Vê yekê derûniya min xira dikir. Min pir zehmetî û dijwarî dikişand. Ji ber ku min bi zimanê tirkî nizanibû û dersên min xirab bûn min nedixwest ez biçim dibistanê. "Xwendekarê bi navê Diyar Okan ku diçe pola 6'an ji got ku ji ber gelek caran ew li sinifê bi kurdî axiviye, rastî neheqiyên hatiye.

Bandorê li ser derûniyê dike

Civaknas Gulistan Akel ji da zanîn ku ji avabûna komarê heta îro li Tirkiyeyê ziman tene qedexekirin. Akel, bal kişand ser gelek welatên Ewropayê û diyar kir ku li welatên Ewropayê bi gelek zimanan perwerdehiyê tê dayîn. Akel wiha got: "Li Swêdê li gorî îstatistikên salên 2002 û 2003'yan 138 komên bi zimanên cuda diaxivin hene. Ji vana 112 kom bi zimanê dayikê perwerde dibin. Zimanê dayikê li ser kesayetiya zarokan bandoreke mezin çêdike. Zarok dema bi zimanê biyanî perwerde dibînin derûniya wan xira dibe û kesayetiya wan xira dibe. Tenduristiya wan xira dibe. Li Tirkiyeyê zarokên kurd heta 7 salî zimanê dayikê fêr dibin û diaxivin. Piştî 7 saliya xwe ji li dibistanê fêrî zimanê tirkî dibin. Ev yek li dijî zanîstî û pergala perwerdehiyê ye. Divê ev yek bê serastkirin." Akel, anî ziman ku zarok bi zimanê dayikê xwe û civaka xwa nas dikin û axaftina xwe wiha bi dawî kir: "Li Tirkiyeyê ji xeynî zimanê tirkî hemû zimanên din qedexe ne. Ev yek ji gelek pirsgrêkên civakî û derûnî bi xwe re tîne. Divê her kes bi zimanê xwe perwerde bibîne. Ev yek hem ji bo tenduristiya kes û hem ji ji bo tenduristiya civakê pir girîng e." ÊLİH / DİHA



Bernameya Kurd Derê ya Cejna Zimanê Kurdî

Serokê Kurd Derê Ahmet Aday, bernameya xwe ya tekildarî Cejna Zimanê Kurdî diyar kir û bang li hemû kesên di mijara ziman de bihîstiyar in kir ku tevli bernameyê bibin.

Cejna Zimanê Kurdî ku ji aliyê Kongreya Nateweyî ya Kurdistanê ve di 2006'an de hat îlan kirin de bi çalakiyên cur bi cur bê pîrozkirin. Li Enqerê de di çarçoveya Cejna Zimanê Kurdî de çalakiyên cur bi cur werin lidarxistin. Di 15'ê meha gulanê de bi pêşengiyê TZPKurdî de pîrozbahiyên Cejna Zimanê Kurdî li sazîya Kurd Derê dest pê bikin. Di

16'ê gulanê de ji nivîskar Selim Temo, parlamenterên DTP'ê Hamî Geylanî, Osman Özçelik û zimanzan Zulkuf Ozkan (zaravayê dimilkî) de li salona İMO panela bi mijara "Dewlemendiya kurdî" bê lidarxistin. Di çarçoveya pîrozbahiyên Cejna Zimanê Kurdî de KURD DER di 21'ê gulanê de de listika koma şanoya Şaredariya Bajarê Mezin a Amedê ya bi navê "Mala Dînan" li Navenda Hunera Ekinê li dar bixe. Serokê Kurd Derê Ahmet Aday, bang li kesên ku di mijara kurdî de bihîstiyar in kir ku tevli bernameya wan bibin. ENQERE / DİHA

Li Eskîşehîrê ji ciwanên YDG-M'ê xebata 'kurdî'

Ciwanên endamên Meclîsa Ciwanên Demokratîk û Welatparêz (YDG-M) a DTP'ê yê Zanîngeha Anadoluyê di bin navê Yekîneya Çand û Hunerê de bi slogana, "Hişmendîya hevpar a kurdan" bi armanca pêşvebirina zimanê kurdî xebatên ziman, muzîk, sînema û şanoyê dimeşînin.

Ligel zordariyên li ser ziman û çanda kurdî ji ciwanên kurd hewl didin çanda xwe dewlemendir bikin. Ciwanên YDG-M'ê yê xwendekarên Zanîngeha Anadoluyê di bin navê Yekîneya Çand û Hunerê de bi slogana, "Hişmendîya hevpar a kurdan" xebatên ziman, muzîk, sînema û şanoyê dimeşînin. Ciwanên atolyeyên muzîk, wêje, sînema û şanoya kurdî vekirin, bi armanca zimanê kurdî hîn bibin dest bi kursa kurdî kirin. Ciwanên panelên telenewîyê, li ser mitolojiyê û felsefeya bi kurdî ji lêkolînan didomînin.

Ciwanên van xebatên xwe bi komîsyonan dimeşînin, dixwazin di hemû qadan de kurdî û çanda kurdî bi pêş bixin.

Çandê dewlemend e

Ji xwendekarên Ethem Çakir got ku heta niha kurdologên ne kurd li ser çanda kurdan xebat meşandine û wiha got: "Van kesan heyraniya xwe ya li hemberî çanda kurdî her tim aniyê ziman. Divê em ji êdî ve çanda dewlemend biparêzin û pêşve bibin. Ji bo vê wezîfeyê mezin dikeve ser milê ciwanên kurdan." Çakir diyar kir ku xebatên wan li ser esasê dilxwaziyeke dimeşin û wiha domand: "Bi nîqaşan û hilberîna em çanda xwe hîn dibin. Piştî me Yekîneya Çand û Hunerê ava kir, berî her tiştî me dest bi vekirina atolyeyan kir. Li ser ziman, çand, dîrok, muzîk, sînema û şanoya kurdî me atolye vekirin." ESKİŞEHİR / DİHA

Hejmara Tîroj a nû derket

Kovara çand û hunerî Tîroj ku du mehan carekê derdikeve, hejmara gulana-hezîranê bi mijarên balkêş derxist.

Di hejmara kovara Tîrojê ya meha gulana-hezîranê de ji pênûsa Yucel Sarpdere bi sermavê, "Hilbijartina kurdan" dosyayek eih digire. Her wiha Erdogan Aydin, Yuksel Genç, Vahap Coşkun, Ahmet Yaşaroglu û Sibel Ozbudun bi nivîsên xwe encamên hilbijartina 29'ê Adarê bi berfêrî dinirxînin. Karîkatura Halil İncesu li ser lédana zarokê li Colemêrgê



çêkirî ji balê dikişîne. Her wiha gelek nivîsên din ên li ser çand û hunerê di kovarê de cih digirin. STENBOL

'Memê Alan' derdikeve tûrneyê

Navenda Çanda Mezopotamyayê (NÇM) bi Koma Dansê ya Memê Alan xwe ji tûrneya Tirkiyeyê re amade dike. Koma Dansê ya NÇM'ê de sahneya xwe ya yekemîn li Navenda Çandê ya Selahattîn Akçiçek pêşkêş bike û piştê ji li gelek bajarên derkeve pêşberî şanohezan.

Destana Memê Alan ku di wêjeyê kurdî de cihekî taybet û girîng digire ji aliyê Koma Dansê ya NÇM'a İzmîrê ve bû listik. Destana ku derhêneriya wê ji aliyê Hamide Yuksel û koreografiya wê ji ji aliyê Rojîn Onurlu ve hatiye amadekirin cara yekemîn li Navenda Çandê ya Selahattîn Akçiçek derdikeve pêşberî temaşevanan. Destana Memê Alan ku bi sedsalan e bi riya dengbêjiyê heta îro hatiye, li NÇM'a İzmîrê ji aliyê Koma Dansê ku ji 20 kesan pêk tê hate amadekirin. Berhema destana Memê Alan ku ji aliyê çand û folklorê ve pir dewlemend e, ji aliyê kurdolog Roger Lescot û alikariya Celadet Bedirxan wergerî zimanê fransî hate kirin û li Lubnanê hate weşandin.

Bi her kesî bidin nasandin

Derhênera listikê Hamide Yuksel, diyar kir ku Destana Memê Alan ji aliyê paşeroja çanda kurd ve çavkaniyek pir dewlemend e û wiha got: "Li Mezopotamyayê çand, wêje û folklorê gel ji aliyê pergala ve hate windakirin û înkarkirin. Lê, em dixwazin bi vê xebatê dîsa wê dewlemendiya Mezopotamyayê derxin holê û zindî bikin." Koreografa listikê Rojîn Onurlu ji diyar kir ku ekîbê wan ji 20 kesan pêk tê û wiha got: "Piştî em pêşandana listikê li İzmîrê pêşkêş bikin,

em ê derkevin tûrneya Tirkiyeyê."

Listikvanê ku rolê Mem dilîze Sedat Çoban ji daxuyand ku gelê Mezopotamyayê li gel hemû înkâr û îmhayê çanda xwe heta îro zindî hiştiye. Çoban, destnîşan kir ku divê karakterê Mem wekî serhildana li hemberî înkârê bê dîtin û wiha got: "Mem li hemberî asimilasyonê têkoşin daye. Divê bi taybetî kesên koçber bûne, destana Memê Alan ji bir kirine. Armanca me em kurd û hemû mirovên tene çewandin bi nixrê wi re binin cem hev." İZMİR / DİHA



Li Amedê Rojên Fîlman

Li Amedê di navbera 15 û 17'ê gulanê de "3'yemîn Rojên Fîlmên Navneteweyî" de lidarxistin. Di rojên fîlman de de 40 fîlm ji sinemahezan re bêne pêşkêşkirin.

3'yemîn Rojên Fîlmên Navneteweyî bi hevkarîya DSM, Klûba Sînemayê ya Amedê, Walîtiya Amedê, Odeya Dermanfiroşan, Odeya Bazirganî û Pişesaziyeke û Gun TV'ê pêk tê.

Navenda Hunerê ya Amedê (DSM) bi daxuyaniyeke nivîskî der barê "3'yemîn Rojên Fîlmên Navneteweyî" de agahî dan. Di daxuyaniyê de hate gotin ku "Sînemaya Avropayê" ya girêdayî DSM'ê ji roja hatiye damezirandin heta îro hunermendên herêmî, neteweyî û navneteweyî bi gelê Amedê daye nasîn. Di daxuyaniyê de hate diyarkirin ku li Amedê di 2 salên dawî de nêzî 50 fîlm û belgefîlm hatine afirandin. Di berdewamê daxuyaniyê de wiha hate gotin; "Armanca ew e ku sînemavanên herêmî bigihin hev û berhemên wan bîn pêşkêşkirin. Di 2007'an de di Rojên Fîlman de 52 fîlm hatibûn nîşandan. Di sala 2008'an de nêzî 4 hezar kesî fîlm temaşê kiribûn. Îsal nêzî 40 fîlm de ji bo temaşevanan bîn pêşkêşkirin." AMED / DİHA

Ji bilî karê xwe hemû karan dikin

Di Hefteya Hemşîreyan de rewşa hemşîreyan ku gelek caran li gorî pîşeya xwe nayên wezîfedarkirin, hate nîqaşkirin. Hemşîre ji bilî tedawî û xwedîkirina nexweşan, wezîfeya dermanfiroşî, îstatîstîkvanî û di depoyan de têne wezîfedarkirin

IA. Can DEMİR – İZMİR / ANF

Hemşîre ji bilî karê xwe bi hemû karan re mijûl dibin. Hemşîre gelek caran karê îstatîstîkvanî, dermanfiroşî, personeliya teknîkî û berpirsiyara depoyê jî dikin. Nezelaliya karê wan û xebata bi peyman, ewlehiya wan a kar dixê nava xetereyê.

Nurşen Coşkundemîr di sala 1995'an de di Nexweşxaneyê Lêkolîn û Perwerdehiya Welidîna Jinan a Zanîngeha Egeyê de dest bi hemşîretiyê kir. Li Bursayê 9 salan xebitiye û li Bursayê di Şaxa Sendikaya Kedkarên Xizmeta Civakê û Tenduristiyê de wekî endama lîjneya rêveberiyê xebitiye. Di dema nobedariyê de Coşkundemîr li ser pîşeya hemşîretiyê, xebatên xwe û zehmetiyên pîşeyê nêrinên xwe anî ziman.

Coşkundemîr, diyar kir ku wekî wardiya û nobedarî hemû-hemşîre di nav hefteyê de 45 seantan dixebitin. Coşkundemîr, got ku qanûna tarîfa pîşeya hemşîretiyê dike hate qebûlkirin û wiha got: "Di qanûnan de hate qebûlkirin lê rêzika pratîzekirinê hê jî derneketiye. Her wiha pîşe hatiye tarîfkirin. Li gorî tarîfê hemşîre divê li gorî gotina doktoran nexweşan tedawî bikin."

Dibin wezîfedarên depoyan jî

Hemşîre Nurşen Coşkundemîr, da zanîn ku gelek caran li gorî wê tarîfê hemşîre nayên wezîfedarkirin. Coşkundemîr, destnîşan kir ku gelek caran hemşîre dibin dermanfiroş, îstatîstîkvan û wezîfedarên depoyê. Coşkun, diyar kir ku ji bilî tedawî û xwedîkirina nexweşan bi hemû belgên nexweşan re jî mijûl dibin. Coşkundemîr di beşa onkolojiyê de dixebite, lê ji bilî hemşîretiyê bi karê teknîkî re mijûl dibe û karê fermî dike û wiha axaftina xwe dom kir: "Karê ku min hejmart ne karê ku em bikin. Lê ji bo ku nexweş zirarê nebînin em hemû karan jî dikin. Hikûmet bi navê 'di tenduristiyê de guhertin' hîn qanûn guhertin. Wekî doktorên malbatê. Vê yekê li ser pîşeya hemşîreyan bandorê kir. Her wiha nexweşxaneyên ku nexweşan wekî muşterî dibînin û nexweşxaneyên wekî kargêhên ticarî dinirxînin hemşîreyan jî wekî personel dibînin. Di nexweşxaneyên taybet de pere li gorî performansê tê dayîn û reqabeteke mezin derdixin holê."

Coşkundemîr, di axaftina xwe de bal kişand ser bernamê guherandina tenduristiyê û got ku ji ber wê

pergalê tedawîkirina nexweşan her diçê zehmet dibe. Coşkundemîr, daxuyand ku di gelek rewşan de hemşîre rastî şideta malbatên nexweşan jî tên.

Rêvebera Şaxa SES'ê ya İzmir Coşkundemîr da zanîn heke bersiva malbatên nexweşan neyê dayîn, hemşîre rastî şideta fizîkî û psîkolojîk tên.

Hemşîre Nurşen Coşkundemîr bi xwesteka xwe pîşeya hemşîretiyê hilbijartiyê û ligel hemû zehmetiyên ji karê xwe gelekî hez dike.



Nurşen Coşkundemîr

Di Roja Hemşîreyan de qordeleyên reş

Hemşîreyên ku bi boneya Roja Hemşîreyan li ber Nexweşxaneyê Mêrdinê ya Dewletê hatin cem hev qordeleyên reş bi xwe ve kirin û bi qordeleyên reş bûyera gundê Zankirtê şermazar kirin û bertek nîşan dan.

Rêveberên şaxa İHD'ya Mêrdinê, şaxa Egitim Sena Mêrdinê, serokê Komeleya Hezkiriyên Hawirdorê ya Qoserê Memduh Çakar, Serokê Belediyê Îşa Şaxa Mêrdinê Memduh Ozturk, Serokê Giştî yê SES'ê Dr. Bedriye Yorgun û gelek kesan piştigirî da daxuyaniya hemşîreyan ku bi boneya 12'ê Gulanê Roja Hemşîreyan li pêşiya Nexweşxaneyê Mêrdinê hatibûn cem hev. Di daxuyaniyê de qordele û dowizen reş hatin bikaranîn û pankarta "Bila zêdetir jin û zarok neyên kuştin bila cerdewanî bê rakirin" vebû.

Rêvebera şaxa SES'ya Mêrdinê Deniz Aslan li ser navê girseyê daxuyaniyê xwend û anî ziman ku ne ji ber krîza aborî jî ber bûyera gundê Zankirtê qordeleyên reş bi xwe ve kirine. Aslan anî ziman ku hê jî li herêma pîrgirêk çareser nebûne û qetlamên jinan pêk tên û wiha got: "Herî dawî li gundê Zankirta girêdayî Şemrexa Mêrdinê jin, zarok û jinên ducanî hatin kuştin û qetlîmek pêk hat. Beriya her kesî wekî sebatkaran tenduristiyê, me mudaxaleyê bûyerê kir û hê jî me tesîra derûniyê ya bûyerê jî ser xwe neavêtiye. Sedema vê weşetê ew e ku çek didin kesên ku nizanibin ji bo çî, kenê û çawa wî çekî bi kar binin. Ev weşetê cdaleta hêzen çekdar, misyona cerdewaniyê nîşan dide."

Deniz Aslan diyar kir ku divê mîjare cerdewanî bê rakirin û di vî mijarê de rayedar vexwendin ser kar. Piştî axaftina Aslan Seroka Giştî ya SES'ê Bedriye Aslan axaftineke kurt kir û pêkhatina bûyerê wisa bi çekên dewletê şermazar kir. MÊRDİN / DÎHA

120 mexdûrên şidê serî li navêndê da

120 jin di nava 8 mehan de serî li 'Ji şidê re na' ya Navenda Piştewanî û Şewirmendiya Hiqûqî ya Jinan a Meclîsa Jinan a Kongsaya Bajar a Yerel Gundem 21'ê daye.

Meclîsa Jinan a Kongsaya Bajar ya Yerel Gundem 21 faalîyeta 'Ji şidê re na' ya Navenda Piştewanî û Şewirmendiya Hiqûqî ya Jinan a 8 mehan bi daxuyaniyê çapemeniyê aşkera kir. Li ser navê Meclîsê rêvebera projeyê Muzeyen Akinci daxuyaniyê da. Akinci, diyar kir ku di meha îlona sala 2008'an de dest bi xebata projeyê kirine. Akinci destnîşan kir ku ofîsa projeyê her roj vekirî bû û tenê dawîya hefteyê bi telefonê xizmetê dane. Akinci, da zanîn ku 8 meh li ser projeyê derbas bû û wiha axaftina xwe dom kir: "Di nava 8 mehan de 120 jinan serî li wan daye û alîkarî xwestine. Ji sedî 97 jin bi şideta fizîkî, devkî, derûnî, cînsî û aborî re rû bi rû mane. Alîkariya hiqûqî dane 120 jinan. 12 jin bi alîkariya navêndê doz vekirine. Doz di çarçoveya berdan, xweparastin û kuştina bi hinceta namûsê de hatine vekirin. Di nava wan dozan de 2 doz jî dozêna enstêstê ne." Akinci, destnîşan kir ku dê di pêşerojê de der barê projeyê 'Ji şidê re na' de agahiyên berfirehtir bînin dayîn. AMED



Muzeyen Akinci

Jinên Helepçeyê hîn jî reşpoşiyê girêdidin

Dayikên Helepçeyê hê jî cilên reş li xwe dikin. 21 sal berê Rejîma Baas li Helepçeyê 5 hezar kes kuştin û bi hezaran jî birîndar kirin. Zarokên ku di wê demê de biçûk bûn niha mezin bûne û fem dikin ka çima dayikên wan cilên reş li xwe dikin.

Hemîdê 32 salî li bazara Altun ya Helepçeyê cil û bergên jinan difiroşe. Hemîdê dibêje: "Kêfa min ji cilên reş re tê û her cilên reş li xwe dikim. Reşpoşî li vî bajarî, bi wê çîroka tehlî û trajedîya ku hatiye serê xelkê bajêr ve girêdayî ye."

Karesat û malwêranîyê ewqasî jinên bajêr di nav cilên reş de weşartiyê, niha ew bi xwe jî bawer dikin ku dilê wan bi vî rengî geş dibe. Hinek jî jinên bajarê Helepçe vî reşpoşiyê wekî peyameke wefadariyê jî bo rihê şehîdan dibînin.

Reş rengê şîne ye

Dilniya Mihemed, 25 salî ye û li kolanên bajêr bi çend cîranên xwe re rûniştîye, ji xwe re behsa dinyayê dikin. Dilniya diyar dike bîyê ku sedema wê bizane kêfa wê jî cilên reş re tê. Her wiha da zanîn ku hemû cilên wê yê malê jî reş in. Jineke din axaftinê Dilniya bi sedemê din a reşpoşiyê dewlemend dike û didomîne: "Piraniya xelkê bajêr hejar in û nikarin her roj rengê li xwe bikin. Lewre jî ber cilên reş ligel rengên din diguncin, piraniya xelkê cilên reş dikirin. Her wiha reş rengê şîne ye jî."

Li piraniya bajar û bajarokên Kurdistanê ew jinên ku kesên xwe yê xoştivî wînda dikin, di dema şîne de cilên reş li xwe dikin. Gelek caran jî reşpoşî heta dawîya temenê wan di-

dome. Di dema ciwanîyê de meta Fatîme ku tenê çarîkeke reş dida serê xwe, lê niha temenê wê bûye 52 salî, piştî mirina hevserê xwe reş girêda û her çar werzên temenê wê bûne payz wiha axaftina xwe dom kir: "Piştî mirina zilamê xwe min hemû cilên xwe kirin reş, ji niha û pê ve nikarin rengê din li xwe bikim."

Cilên reş gelek tene firotin

Li gor Beşdar Selimê dikandar rengê reş rengê xweşîk e û pirê caran jê re tê gotin cilên reş gelekî li te tên. Beşdar 24 salî ye û ligel piraniya wan ciwanan hevra ye û bi bawerîya wan êş û janên Helepçeyê, bi

dirêjahiya dîrokê nehiştîye bajar ligel rengên din pêwendîyan girêbide.

Ekrem Osman jî xwediyê dikana cilên jinan e. Ekrem wiha axivî: "Piraniya mişteriyên me cilên reş dikirin. Li vî bajarî cilên reş pir tên firotin. Sedema wê jî ew karesat û bûyer in ku ji salên heftêyî ve heta niha hatine serê xelkê bajêr."

Pisporên bi warê derûnî bi awayekî din rengê reş rave dikin û dibêjin diyartirîn sedema reşbîniyê ye. Di vî derbarê de pisporê derûnîyê Awat Nesrulla got: "Zêdebûna reşpoşiyê li Helepçeyê ew e danîştavên bajêr li beramber jîyan û pêş-

roja xwe reşbîn in. Mîrow dikare ciwakê bi cil û bergên wan bixwîne."

Bi bawerîya pisporê navborî, sedemê din a reşbîniyê li bajêr bandora ferhenga İrani ye. Ji ber ku İran nêzik-tirîn sînor e li devera Helepçeyê. Derbarê bandora rengê reş de li ser meseleyên derûnî jî Awat Nesrulla wiha dirêjî da axaftina xwe: "Bêguman bandora rengê reş heye. Reşpoşin kesan westiyayî û dilteng pêşan dide. Ez ê pîreke Londonê wekî mînak bidim ku rengê wê reş bû, xelkê bajêr fêr bûbûn diçûn ser wê pîrê xwe diavêtin û xwe dikuştin. Lê piştî rengê pîrê guhertin kesî nedît hinek xwe bavêjin xwar." HELEPÇE (Rûdaw)



Piraniya jinên Helepçeyê cilên reş li xwe dikin. Ji bo wan rengê reş rengê şîne ye.

Li ser menopozê bandora cigareyê zêde ye

Li gorî pisporan cigare li ser menopozê bandoreke neyînî dike. Divê jin di vî mijarê de baldar bin. Endamê Beşa Zanyarî ya Welidîne û Nexweşiyên Jinan a Zanîngeha Stenbolê Prof. Dr. Faruk Buyru, bal kişand ser

cigareyê û nexweşiya menopozê zû. Prof. Dr. Buyru, diyar kir ku cigare li ser hêkan gelek bandoreke neyînî dike û wiha axaftina xwe dom kir: "Jinên ku cigare dikişînin zûtir menopoz dibin. Kalîteya hêkan bi temenê

re girêdayî ye. Piştî 37 salî welidîn gelekî zehmet e. Tedawiya bebeka tup jî gelekî zehmet e. Her wiha cigare li ser menopozê gelekî bandorê dike. Ji ber vî sedemê divê jin dest jî kişandina cigareyê berdin. STENBOL



Di bin şertên giran de dixebitin

Kurdên koçber li her derê di bin şert û mercên giran de dixebitin. Li Seyhanê karkerên kurd ên ku komira daran çêdikin dibêjin ji ber ku her tim di nava tozê de ne bi gelek nexweşiyên re rû bi rû dimînin

Li gundê Golbaşıya bi ser navçeya Seyhana Edeneyê karkerên ku darên porteçalê dişewitînin û komira daran (komira manqelê) çêdikin di bin şert û mercên giran de dixebitin. Karkerên komirê hemû kurdên koçber in û dibêjin ji ber ku alternatîfa wan nîn e, ew di vî karê de dixebitin. Ev kar bûye pişeya wan.

Li Kurdistanê jî ber şer û pevçûnan gelek gund hatin valakirin. Valakirina

gundan û pergala cerdevaniyê bi xwe re betaliyek jî anî. Kesên ku ji ber xizaniya di encama betaliyê de derketiye holê, ji welatê xwe koçî bajarên tirkên ên weke Edeneyê kirine. Kurdên ku koçî Edeneyê kirine di bin şert û mercên giran de dixebitin. Ji wan qadan yek jî hilberina komira daran e.

15 sal in dixebite

Welatiyê bi navê Esat Soylemez

diyar kir ku wî di sala 1993'an de bi malbata xwe re koçî Edeneyê kiriye. Ji ber alternatîfa wî nîn e ev 15 sal in di karê komirê de dixebite ango karkerê komirê ye. Wan bi malbata xwe re li qeraxa ocaxê komirê kon vedaye. Bi 3 zarok û hevserê xwe re di kon de dijî. Serê sibehê heta êvarê jî bi malbata xwe re dixebite.

Soylemez der barê mijarê de wiha axivî: "Em dara porteçalê diweşitînin û bi vî rengî komira manqelê derdixin. Di serî de daran berhev dikin û kom bi kom datînin. Piştê axê davêjin ser daran û ser wan digirin. Li jora daran kulekekê vedikin. Di binî de jî ciheke

ku hewa bigire dihêlin û piştê jî agir pêdixin. Ev agir divê ji jêr ber bi jorê hêdî hêdî pê bikeve. Ji ber vî yekê jî em her tim agir dişopînin. Ev kar nêzî 2 hefteyan didome. Agir dema ku dadikeve binî em bi naylonan ser agir digirin û nahêlin hewa bigire. 4-5 rojan jî bi vî rengî dihêlin. Agir bi vî rengî hêdî hêdî vedimire.

Soylemez diyar kir ku heke agir baş neyê pêxistin û kontrolkirin wê demê dê hemû darên derûdorê bişewitin. Ji ber vî yekê jî ew bi şev û roj dixebitin û nobetê digirin.

Soylemez got ku karê wan giran e û her tim toza komirê dadiqurtînin. Ji ber vî

yekê jî ew bi nexweşiyên weke made, pişik û bêhtengiyê re rû bi rû dimînin.

Bi şev û roj dixebitin

Welatiyê bi navê Yılmaz Bağış jî diyar kir ku 12 sal in vî karê dike û wiha axivî: "di vî karê de ya herî giran nobeta bi şev û roj e. Ji ber ku heke ahenga agir xira bibe hemû keda me dê bi hewa biçê." Bağış diyar kir ku komira daran di mehên adar û tîrmehê de tê hilberandin û li gorî sezonê ye. Bağış got ku ew tona dara porteçalê bi 130 TL'î dikirin û piştî ku komirê çêdikin, wan tijî çewalan dikin û difiroşin. **EDENE / DÎHA**



Sewaleke nû hate dîtin

Zanyaran li Edeneyê bi tesadufî sewaleke nû dît. Çavên wî tune ne û di bin erdê de dijî. Zanyarên Zanîngeha Trakyayê diyar kirin ku wan giyaneweke nû kişî kiriyê û navê wî kirine "Niphargus Kirgizi." Zanyaran diyar kir ku wan ev sewala nû li zozanên navçeya Pozantiya Edeneyê dîtîye. Ev sewal bi tesadufî dîtine û tenê di bin erdê de dijî, dirêjbûna wî 2 santîm e û çavên wî tune ne. Zanyaran diyar kir ku der barê vî giyanewerê de tu agahî nîn in û ji ber vî yekê jî divê lêkolîn bê kirin. Her wiha zanyaran der barê vî sewala nû de gotarek jî nivîsandiye û gotara wan di kovareke zanistî ya almanan de hatiye weşandin. Dîsa ev giyanewer weke sewaleke nû hatiye qebûlkirin. **EDENE**

Riyên navçeyê tîn çêkirin

Şaredariya Silopiyê jî bo çêkirina rê û peyariyên navçeyê xebat da destpêkirin. Di çarçoveya projeyê de rê û peyariyên gelek tax, cade û kolanan hatin çêkirin. Şaredarê Silopiyê Emîn Togurlu li taxên Cumhuriyet, Nuh, cadeya Demîrel, Onur û li kolana Cihanê xebat kontrol kirin. Her wiha Şaredar Togurlu bi şênîyên taxan re jî sohbet kir û nêrîn û pêşniyarên welatiyan girt. Togurlu diyar kir ku nêrînen gel ji bo wan girîng in û ew ê biryarên xwe bi gel re bigirin. **ŞIRNEX**



Cilên neteweyî hatin pêşandan

Li hola muzaxaneyê Siktona ya navçeya Siktanaya bajarê Stockholmê Swêdê, navenda Destkirda Kurdî bi alîkariya televîzyona herêmî ya Silêmaniyê, civata çandî ya Swêdê, şaredariya navçeya Siktanayê û Komeleya Têkel ya Çandan a li Swêdê cil û bergên neteweyî hatin pêşandan. Di pêşangehê de şaredarê navçeya Siktanayê, nûnerê balyozxaneyê Iraqê, rêveberê muzaxaneyê wê navçeyê, hejmarek ji xelkê Swêdê amade bûn. Di axaftinê de Şaredarê Siktanayê kîfxweşiya xwe nişan da ku di nav sinorên şaredariya wî de karekî çandî yê kurdî tê kirin û pêşangeh wekî karekî hêja nîrxand. **STOCKHOLM (pukmedia)**

Cigare xewê diheriminê

Cigare û araq xewa mirovan diherimîne. Ji ber vî yekê jî pisporek dibêjin ku 5-6 saet beriya razanê divê mirov xwe ji cigare û araqê dûr bigire.

Pisporek diyar kir ku xew parçeyêke jiyana rojane ya mirovan e. Ji bo tenduristiya zihni û fiziki tiştêke girîng e û mirovan zindî dihêle. Bêxewî dibe sedema qezayên trafikê û yên kar ji ber vî yekê jî pişgirê-keke gel e. Pisporek diyar kir ku divê dema xewa mirovan hat rakevin û xwe nedin zorê. Der barê vî mijarê de wiha tê gotin: Heke xewa mirov neyê

divê nekeve nava nivînan. Saetên xewê divê neyên guhertin. Di rojên betlaneyê de jî divê mirov di heman demê de rakeve an jî rabe. Ji bilî van pêşniyaran jî pisporek dibêjin ku odeya razanê divê bêdeng be û zêde ronahî lê tune be. Her wiha divê zêde germ an jî sar jî nabe. Heke xewa we bi şev neyê divê teqez di nava rojê de ranekevin. Cigare û araq jî ber ku zirarê didin mirovan nahêlin mirov bi reheta rakeve. Beriya razanê xwarin divê neyê xwarin. Ji bilî vî jî bi awayekî bi rêk û pêk divê spor bê kirin. **AMED**

35 sal in serê xwe naşo!

Li Hindistanê bûyereke ku mirovan matmayî dihêlê qewimî. Hindüyekî bi navê Kailash Singh ev 35 sal in serê xwe qet neşuştîye. Sedema vî yekê jî bawariyêke balkêş e.

Hindüyekî bi navê Kailash Singh 63 salî ye û 7 keçên wî hene. Lê ew dixwaze kurekî wî hebe. Tê gotin ku ji bo kurê wî çêbibe 35 sal in qet serê xwe naşo. Ji bo ku kurê wî çêbe çûye gelek perestgehan û pir dua kiriye. Herî dawî jî kahînekî jê re ev pêşniyar anîye. Kahî jê re gotiye heke ew serê xwe qet neşo dê kurê wî çêbe. Ew jî ev 35 sal in li benda kurekî ye. Li gorî nûçeyên ji çapemeniya Hindistanê hatine girtin Kailash Singh jî bo ku xwe ji bakterî û mîkroban biparêze êvarê agir pêdixê û li ber agir li ser piyan diskîne. Bi vî rengî li benda mirina bakteriyên dimîne. Her wiha tê gotin ku ew ketiye çemê Ganjê jî lê piştî ku birayê wî jiyana xwe ji dest daye dev jî vî yekê berdaye. Di nûçeyên ku di çapemeniya Hindistanê de hatine weşandin de tê gotin ku Kailash Singh berê dikandar bûye. Lê jî ber ku bêhneke nexweş jê dihat kesek neçûye dikana wî û ew jî mecbûr maye dikana xwe bigire. **DELHÎ**